

أمريكا والعالم والمجهول

تأليف

مصلح محمد

تقديم

الناقد المسرحي / أمين بكير

الناشر

دار الروضة



الطبعة الأولى


٢٠٠٢ م - ١٤٢٢ هـ

حقوق الطبع محفوظة

دار الزوضة

٢ درب الأتراك خلف جامع الأزهر

ت : ٥٩١٣٤٢٤



المقدمة

إطالة ذكية على الأمور السياسية

تحت عنوان : ياللا ننفذ أمريكا

أو : أمريكا والعالم والمجهول

البداية الدرامية فى أى عمل مسرحى أو ابداعى يمثل مرحلة حتمية ، ونحن نسميها فى النقد الحديث (الموقف) أو مجموعة الظروف التى تحتم حدوث شئ معين ، والتى بالضرورة ليس فى الإمكان أن نبدأ قبلها.. ولأن من لم يستطع أن يبدأ ، أبدا لا يستطيع أن ينتهى .. تلك هى أعراف حرفة الكتابة للمسرح .. والكاتب مصلح محمد عرف كيف يبدأ . فنقطة البداية عنده قوية ، لأن الحدث المأساوى الذى اتكأ عليه الكاتب له صدى عالمى ، لذلك فإن القارئ لهذا النص سيدرك أن الفعل السحرى للقرارات السيادية صار مبعثا من مبعث البهجة فى هذا النص المسرحى السياسى الكوميدي ، الذى يواكب أحداث طازجة ومرعبة فى واقعنا المعاش ، وانه عرض حى لتلك الأحداث ، بل أنه فى قلب هذه الأحداث الدائرة الآن فى الشرق الأوسط ، وهو مرآة عاكسة للحروب الطاحنة الدائرة والمشتعلة فى المنطقة .. والكاتب هنا يلتقط خيطا شديد الحدة ، فأمریکا . سيدة العالم فى القوة والتكنولوجيا والعتاد . أمريكا التى ثمن الجندى فيها من وجهة نظر حكامها وأصحاب القرارات السيادية فيها يساوى وزنه ذهبيا . لذا كان التقاط مصلح محمد لشكل البداية من مأساة سبتمبر الأسود . وتخيل بأن هناك من يعمل على تكوين جمعية مهمتها إنقاذ أمريكا ، ولعل القواص فى بحر الدراما يدرك ان إنقاذ أمريكا من نفسها هو (البعد الغائى) الذى ينسج الكاتب خطوطه وخيوط الأحداث والشخصيات ما بين الازدواجية / التبعية / الرفض/ النضال بالنكسة السياسية الساخنة ..

وجمعية إنقاذ أمريكا (أو أمريكا والعالم والمجهول) وأعضاؤها . رامي المصرى وزوجته الانجليزية ، السيد أمين الحقانى . انور طاهر . وائل . سعد الفراش . وكل هذه الأسماء واقعية ، لا إسقاط فيها أو ترميز ، وكل الشخصيات لها دور فاعل فى المسرحية ، ويعلق فى المسرحية السفير الأمريكى على زواج رامي المصرى بسارة الانجليزية بأن هذا الزواج (التقاء حضارات) ونرى ذلك السفير فى غضبة (

تفكهيية/ سياسية / اسقاطية) ينذر كل من لم يمد يد العون لبلاده فى مقاومة الارهاب . سوف يعتبره ارهابيا وسوف يطوله عقاب بلاده امريكا ..

ويثنى الثناء الحسن على فكرة تكوين هذه الجمعية التى كانت من اولى مهامها أن تشجب هذا الاعتداء الآثم على أمريكا ، واعتبار ذلك التكوين رد فعل مباشر وسريع لشجب الأحداث الارهابية ، وهى مبادرة طيبة تظهر أن أفرادا من شعب مصر يؤكدون بهذه الطريقة السلمية ، وأن مصر من خلال هذه النظرة بلد السلم والأمان والسلام والإخاء والمؤازرة .

وبما أن أى كاتب مسرحى يعنى أساسا بما يفعل الناس . ومن ثم فإن عنايته بما يفكر فيه الناس ، أو بما يسميه (ارسطو) طباعهم ، والتى تأتى فى المحل الثانى .. ولأن العناية بالطباع تكون أو يجب أن تكون على قدر ما تفصح الأفعال عنها ، وجريا وراء ما أوضحه ارسطو بأن الفعل أو الحدث هو موضوع الدراما ، فقد أوضح فى نفس الوقت أن الشخصية أو الفكرة لا يمكن أن تكون فى ذاتها مادة للدراما ، بل أن كيانها الدرامى مرتبط ارتباطا عضويا بالحدث ، فعلى قدر ما افصح الحدث عند مصلح محمد أو الفعل ، أو التفاعل ، أو الانفعال بهذا الحدث العالمى الكبير والمفاجئ والمذهل ، والذى غير الكثير من المفاهيم التى استقرت فى وجداناتنا عن امريكا ، وجعلت العالم كله يغير حساباه ويغير فكرته .. ويعلم الكاتب عن رأيه صراحة بأن كل الدنيا (زهقت) من الشر على لسان شخصية (وائل) انما يعلن الكاتب ضمنا تعاطفه وتأييده لرجوع الانسان الى الفضيلة التى هى من أولى الفضائل التى تنجى الانسان وتقيه من شر نفسه على نفسه وعلى الآخرين . فضيلة الصدق مع الذات والتصالح مع الذات ، وان الكاتب يستنطق بالحكمة على لسان سعد الفراش ، ثم أعرق من حكمة كل الفلاسفة على لسان أمين الحقانى :

أمين الحقانى : فى ميت سنة اليهود هودوا المسيحية الأمريكية لدرجة ان المسيحي الأمريكى يعتقد ان دعم امريكا لإسرائيل رسالة إلهية بسببها يبارك الرب أمريكا .. وان بقاء أمريكا السياسى والروحى مرتبط بدعمها لإسرائيل .

وأنا أجد أن هذا الحوار شديد الاستنارة / شديد الذكاء / شديد الوضوح . انه رأى كاشف للحقائق ، يعبر الكاتب من خلاله عن الحالة الراهنة ، فاتحا

علامات التنصيص لكل ما يجب ألا نتجاوزه بلا تأمل أو نمر عليه مرور الكرام بلا تمحيص واع بتطور الأحداث وقوة العلاقات ودوام التأييدات ، وأن مسألة غسل الأمخاخ بالأموال والأفعال إنما هو سحر أسود تقوم به تلك الدولة التي ترغب في التعملق والتسيد بدون شرعية لهذا الوجود .

والكاتب مصلح محمد يملك الإمساك بطرح فكرته ، ويحاول من خلال وطنيته أن يطرح رأيه بوضوح ، مفسرًا ، وإن طرح المواقف والآراء من خلال شخصيات المسرحية ، وإن كانت تعاني من المباشرة إلا أن هذه المباشرة هي اللغة الوحيدة التي تصلح للتعبير عن فكرة بهذه الطزاجة ، وإن محاولة الاتكاء على الاسقاط السياسى أو اللجوء إلى الرمز عند الكاتب هنا غائبة تماما ، وهذا فى صالح النص تماما ، لأن مثل هذه النوعية من المسرحيات لا تطرح نفسها على الساحة إلا من خلال هذا الشكل من الشجب ، ولنتوقف عند هذه الكلمات من الحوار النذكى السياسى :

رامز : وخلال ميت سنة سيطر اليهود على الإعلام الأمريكى لدرجة جعلته يرى أن خبر جرح جندى إسرائيلى بحجر من طفل انتفاضة فلسطينى أهم مليون مرة من تكسير الجنود الإسرائيلىين عظام أم فلسطينية.

وفى موضع آخر من نفس المشهد الثانى من المسرحية يقول رامز :

رامز : وخلال ميت سنة سيطر اليهود على مؤسسة الرئاسة وعلى الكونجرس ، وكفاية أقولك إن أكثر من ٧٥٪ من أعضاء مجلس الشيوخ الأمريكى يهود .. وإن ٧٠٪ من أعضاء مجلس النواب من المنتخبين نجحوا بدعم مالى يهودى .

والكاتب هنا يلقي بالقفاز فى وجه أمريكا .. انه ينبه بأن الخلاص الحقيقى لأمريكا . والإنقاذ الحقيقى لها ، هو أن تتخلص من الفكر والتسلط والتخطيط اليهودى . أن تنقذ نفسها ومصالحها من سيطرة اليهود على كافة مقاليد أمورها . انتخابات وكيانات ومسلك وسياسة واقتصاد ، وكل هذا يدور من خلال إطار أو منهج (تسجيلى) وهو نوع من المسرح أسسه تلميذ برتولد برشت الأول فى




الحياة المسرحية الألمانية - أرفين بيكاتور - وهو مسرح يعرض (الحالة) ويترك كل التأثير والتأثر

تلك هى المسرحية التى بين يدي القارئ . انها بمثابة الحلم التى ترجو كل البشرية أن يصبح حقيقة ، حلم الخلاص من الكابوس السياسى الأمريكى اليهودى الضاغط على مراوح هذا العالم الذى يجأر .. واننى احتفى بالكاتب مصلح محمد لأنه كاتباً جاداً ، التزم بقضايا وطنه ، وسعى إلى إزكاء روح التطهير والتنوير ، وهى مهمة شاقة ونبيلة فى هذا الزمن .. استحق عليه التحية والتقدير .

أمين بكير

ناقد مسرحى

القاهرة فى ٢٠٠١/١٢/٥



المشهد الأول

[مقر جمعية " إنقاذ أمريكا " من الداخل .. الأثاث رمزى خفيف ومختلف كأنه فى حلم .. حيث نرى مكتب رئيس الجمعية بكرسيه الدوار وأماكن لجولس عدد من الأشخاص لا يجاوز الخمسة .. وأرفف لكتب وملفات .. وباب مفتوح يوحي بوجود حجرة داخلية .. على الجدران لافتات بخط كبير باللغتين العربية والإنجليزية تحمل عبارات مثل (النصر لأمريكا / أمريكا الحرية والعدالة / أمريكا الديمقراطية / أمريكا حبيبة شعوب العالم) وبين الصور تثبت شاشة عرض شرائح سلايز متوسطة]
(يدخل " سعد أبو حوش " فراش وساعى الجمعية ، فى يده ريشة تنظيف يدر بيا على الأثاث وهو يردد مقاطع من مديح نبوى .. يطلق لحية خفيفة ويضع على رأسه طاقيه بيضاء) .

صوت سارة : هوش .. هوش .. هوش
سعد الفراش : (يضحك ساخرا) هوش ؟! .. برضه هوش ؟! .. سعد أبو حوش يبقى هوش على آخر الزمن ؟! .. أما صحيح خواجاية (يعتدل فى اتجاه الباب لاستقبال سارة)
(تدخل سارة امرأة فى منتصف العمر . بيضاء . إنجليزية تتحدث العربية مكسّر)
ســــــــــــارة : أوده . هوش . هوش
سعد الفراش : نعم يا ست سارة . أنا أهو فى الخدمة .
ســــــــــــارة : (تنظر ناحية مكتب الرئيس . تتلفت حولها) فين مستر رامز ؟!
سعد الفراش : مستر رامز مكوع فى الاستراحة يا هانم .
ســــــــــــارة : مكوع ؟! .. ايه مكوع دى ؟! .. قولى حاجة أحسن هوش .
سعد الفراش : نايم . نايم شوية .
ســــــــــــارة : أيئى عليكى مستر رامز . ماى هاصبند . يفكر كثير . يسير . يحلم لكل الناس بالهيب والخير . إنسان أظيم . . دعه يستريح . مثله لازم يستريح شوية . (تعود لتسأل) : وفيين ناس ؟!
دايمى متأخر عن مواعيد . همه مش يعرف ان اليوم يوم تخين .
اقصد يوم مقلبظ . لا . لا . اعرفها . يوم ملآن .
سعد الفراش : ما تقلقيش يا هانم .. ياما أيام تخينة مرت علينا . لا خدنا ولا ادينا .

ســـــارة : لا هوش . لازم نأخذ . لازم ندى . نعمل حاجات كتير فى وقت قصير . نسبق يوم . نسبق ثانية .. أندنا فى انجلترا دى يتم أكسرا سعد الفراش : (يقابل حميتها بهرود شديد .. يركز على مفاتها معبرا بيديه) طب ما ده برضه عندنا بيتم أكسرا .

ســـــارة : لا هوش . مافيش أندكوا أكسرا .

سعد الفراش : لالا يا هانم (مازال يلحم بيديه الى تكوينها الأنثوى) دا احنا بتوع الأكسرا . واحسن ناس نسبق الثانية . والدكتور زويل مخترع الفوتو يشهد .. اقولك ايه ؟! .. انتوا مثلا . عندكوا كام مولود فى الثانية ؟

ســـــارة : (بدعشة) مولود ؟! . بيبي يأتى ؟! .. ومال دى ومال شغل هوش ؟!

سعد الفراش : دا هو دا الشغل الشاغل .. الاكسرا (تردد داخلى) افهمها ازاي دى ؟! .. شوفى . اللى اتأخر على معاده الصبح . ولعبب الكورة المستك فى الملعب . واللى معدى الإشارة نائم . واللى حاضن الزبالة ومزقظط .. كل دول يوماتى ببسابقوا الثوانى .. الثانية من دول شغلا على طول . تزغلل عينيه ينسى الدنيا ويصارع الثانية لما يسبقها .. يبقى الشغل مقطع بعضه واللا لاه ؟ . (يقلد نطقها) : مش تقوليلى مال أدد مواليد ومال شغل هوش ؟

ســـــارة : أنا مش فاهم حاجة خالص هوش !!

سعد الفراش : لكن أنا فاهم يا هانم . (بزهد) انتوا ليخو الدنيا (يعبر بيديه عن التكوين الأنثوى) واحنا لينا الآخرة .

(يدخل ثلاثة رجال فى أعمار مختلفة " أمين الحقانى " صحفى فى الخامسة والاربعين من عمره / " أنور طاهر " مصور سينمائى فى الخامسة والثلاثين / " وائل " طالب جامعى متخصص فى الكمبيوتر)

سعد الفراش : أهم . الأفاضل وصلوا يا هانم . اروح أنا بقى أعمل القهاوى ينصرف خارجا) .

أمين الحقانى : (يندفع مباشرة باتجاه سارة فاردة واحدة من اكثر من جريدة يحملها) شوفى يا مس سارة . الدنيا مقلوبة علينا وعالجمعية . الصحافة كلها بتهاجمنا .

أنور طاهر : خدوا من اسم الجمعية مادة للسخرية من أهدافها ومنا . مانشيت بيقول " جمعية انقاذ امريكا " آخر نكتة يؤلفها مجموعة من المصريين السذج "

واثــــل : وفى الصفحة الثانية مقال غبى بيتهام رامز بيه بالعمالة والخيانة بشكل غير مباشر . وبيقول انه رجل اعمال مرفه وكان فى صدر شبابه غاوى تمثيل فى السيمى .

(يدخل رامز من الحجرة الداخلية " الاستراحة " حاملا جاكيت بدلته وراء ظهره . يمشى بتؤدة وثقة شديدة بالنفس)

رامــــز : ايه يا جماعة ؟ . فيه ايه ؟
أنسور طاهر : فيه ايه ؟ ! . فيه ان الدنيا مقلوبة علينا . مش ممكن فى مناخ بالشكل ده حاتوافق الجهات الرسمية على إشهار الجمعية .
أمين الحقانى : مش بس كده . دا الكلام المكتوب فى الصحف ممكن يثؤر الشعب كله ضدنا .

(يسمع صوت تكسير زجاج وارتطام حجارة ودحرجة طوب فوق أرضية . وهتافات جماهيرية " يسقط العملاء / اقتلوا الخونة)

(يهرول واثل إلى داخل الاستراحة .. ويعود مسرعا يملكه الانزعاج والخوف)
واثــــل : ياااه .. ناس كتير قوى . دول حاكيلونا . إزاز الواجبة كله اتكسر والطوب غطى أرضية الاستراحة .

رامــــز : (بهدوء شديد) ما تخافوش . احنا صح . وهمه غلط . كله حايتصلح .

ســــارة : (مرتعبة) رامز . بليز . اطلب بوليس .
(يدخل سعد الفراش يحمل صينية عليها عدد من فناجين القهوة)
سعد الفراش : القهوة يا بهوات (يلحظ ارتعاب سارة والآخرين) الله ؟ ! . فيه إيه ؟ !

أمين الحقانى : مش وقت قهوة يا سعد .
ســــارة : إندك حق مستر هقانى .
رامــــز : أبدا . الحقانى ما عندوش حق . حط القهوة يا سعد . ياللا يا جماعة . كل واحد يشرب قهوته (يتجه ناحية مكتبه ويجلس باسترخاء) وهات ليا قهوة انا كمان يا سعد .

سعد الفراش : (يضع صينية القهوة على الترابيزة .. يتسمع الهتافات .. يهرول ناحية الاستراحة ثم يعود مسرعا) يا جاه النبى ! . كل دى ناس ؟ ! . دول خربوا الدنيا . كسروا الإزاز وملوا الاستراحة . طوب . انتوا عملتوا ايه ؟ ! . لو عرفوا انى باء.تغل معاكرا حايعملوا فيا ايه ؟ ! .

رامــــز : (يقهقه) حايقطعوك تحت يا سعد.

سعد الفراش : ليه كده يا بيه . دا انا عندي عيال باشقى عليهم . مش كنتوا تقولولي بتشتغلوا في ايه بالظبط !! .

رامـــــــز : ما تخافش يا سعد . انا باضحك معاك . . احنا صح . وهمه غلط . كله حايتصلح .

(بيرن التليفون المحمول خاصة رامز)

رامـــــــز : آلو . أهلا يا باشا . تمام . لالا ده أكيد يا باشا . سيادة سفير أمريكا وعد وحدد موعد الزيارة . يبقى ضرورى جاى . واحنا فى الانتظار . على عيني يا باشا . أوكى . سلام (يستطرد بسرعة) باشا . يا باشا . على فكرة . إذا كان رجاله سيادتكم ما شافوش وقالولك فالوضح هنا مهول . ناس كتير بيهتفوا ضد امريكا والجمعية . ازان واجهة الجمعية اتكسر والطوب مغطى الأرضية .. هه ؟ .. اللي تشوفه يا باشا .

ســــارة : رامز . زوجى الأزيز . كل حاجة هنا مخرج (تقصد مخرج) فى حضور سفير امريكا . مخرج لينا . مخرج لأمريكا . مخرج لمصر .

رامـــــــز : ما تقلقيش يا سارة . كله حا يكون على مايرام .. استاذ وائل يا جن الكمبيوتر ، انا عايز صور الرئيس بوش والسفير الأمريكى فى مواقف مختلفة تفضل ترف على الشاشة ..

وانت يا استاذ انور يا مصور يا سينمائى يا كبير . جهز الكاميرا بتاعتك . صور الزيارة ثانية بثانية صوت وصورة .

وانت يا استاذ أمين . باعتبارك صحفى قديم وفاهم . كل اللي يحصل فى الزيارة . كلامى . كلام السفير . بالحرف صالح للنشر .. أما مكالمة التيفون اللي حصلت دلوقتى وتوابعها سر غير صالح للنشر بالمرة .

أمين الحقائى : واضح يا سيد رامز . بس ايه هى التوابع المتوقعة للمكالمة التليفونية ؟

رامـــــــز : خليفها لوقتتها يا صحفى . اما انت يا سارة عايزك طول وجود السفير ما تفارقنيش لحظة .

ســــارة : أوكى مستر رامز .

(يدخل عاملا نظافة بزيهما الرسمى يحمل كل منهما مقشة وجوال .. لهفتهما على العمل واضحة)

عامل نظافة/١ : سلامه عليكم

وائــــل : الله ؟ انتو مين . عايزين ايه ؟

رامز : سيبيهم يا وائل .
 عامل نظافة ٢/ : ارجوك . سيينا . لازم بعد خمس دقائق ندى للملاحظ تمام .
 (يدخل عاملا النظافة إلى الاستراحة وتسمع اصوات الكنس . بينما يقف الجميع في دهشة عدا رامز)
 رامز : ياللا يا جماعة . كل واحد يجهز نفسه .
 (ينصرف كل واحد لعمله .. يخرج عاملا النظافة كل منهما يحمل جوالا مملوءا على كتفيه)
 (يتوجه أمين الحقاني إلى الاستراحة ثم يعود)
 أمين : يا سلام .. ولا صريخ ابن يومين في الميدان .. كله صرفته الشرطة .. والشارع بيلمع .
 (يدخل رجلان يحملان مسطحات من الزجاج)
 عامل زجاج/١ : تسمح لنا يا بيه .
 رامز : اسمح يا حبيبي . اتفضلوا شوفوا شغلوكوا .
 (يدخل العاملان الى الاستراحة)
 أمين : (يقترب من أنور . يهاسه) صاحبك جن مصور .. دماغه مترتبة تمام .
 سارة : (تقترب من رامز) رامز هيببي . بليز . مش تنسى تركيز على شعورنا نحو أطفال فقدوا البابا أو الماما بتاعهم في مركز تجارة آلى . دى مهم جدا جدا . دى ادخل قلب مباشرة . آه . وضهايا بلا ذنب . تركزي على بلا ذنب دى . نعم . دى ادى هديفك مصداقية عند سفير امريكا .
 أمين الحقاني : (يهاس انور طاهر) شئ غريب يا أخى . الولية ناقص تقول لرامز ما تنسيش توطي تلهسى جزمة سفير امريكا ؟!
 أنور طاهر : مش غريب ولا حاجة يا أخى . انت ناسى انها انجليزية ؟
 أمين الحقاني : آه .. فانتنى دى .
 (يخرج عمال صيانة الزجاج)
 عامل زجاج/١ : أى خدمة يا باشا .

رامز : (يخرج من جيبه ورقة نقدية ويعطيها للعامل) شكرا . اشربوا شاي .. (ينظر في ساعة يده) ياد . الوقت أزف يا جماعة .
 ياللا . لازم نكون في استقبال السفير . جهزت الصور يا وائل ؟
 وائل : تمام . والشاشة حتاخذ من الكمبيوتر فورا .
 (يهرول الجميع خارجين وتبدأ الشاشة في عرض صور للرئيس بوش والسفير)

الأمريكي . تصاحبها موسيقى ناعمة)
(يسمع صوت سريانة وصفق أبواب سيارات)

صوت رامز : بليز .. تفضل سيادة السفير .

(يدخل سفير أمريكا والى جواره رامز وسارة وخلف السفير مباشرة حارسه
الشخصى الضخم الجثة فاره الطول ، على عينيه نظارة سوداء وفى أذنه سماعة
صغيرة . ومن خلفهم أمين الحقانى وانور طاهر ووائل)
(تثبت على الشاشة صورة علم امريكا ويعزف السلام الأمريكى . ويثبت الجميع فى
مقدمتهم السفير تحية . . يلفت نظر السفير اللافتات المثبتة على الجدران والصور
التوالى عرضها على الشاشة)

السفير : جود . كم يسعدنى ذلك من أصدقاء مصريين .

رامز : (يسحب زوجته سارة من يدها ويقدمها للسفير) سيادة السفير .
هذه زوجتى سارة . انجليزية الجنسية .

السفير : رائع . التقاء حضارات مس سارة .. انجلترا ايضا صديق وهليف
لأمريكا .. مستر بليز آمل اللى أليه وزيادة اثنين شوية

سارة : العالم كله يدين لأمريكا بتقديم بشرية نحو مستقبل أفضل سيادة
سفير .

السفير : (يبتهج . يصفق) أظلم مس سارة . انت ومستر رامز زوجين
رائعين . ومستر بليز رائع ايضا . مش زى ناس . أصدقاء آخرين
لم يقدموا شيئا لحرب امريكية ضد ارهاب !

(يراعى الحارس الشخصى للسفير إبراز خوفه على شخصية السفير إن يبعد دائما
ويغيب ملحوظ بين السفير وأى من يحاول الاقتراب منه .. ويبدو دائما كأنه
يتحوش بالآخرين)

سارة : سيادة سفير امريكا . ونحن جمعية انقاذ امريكا إذ نعرب عن

سعادتنا بتشريفكم لنا فى مقر الجمعية بمصر .. واسمح لى أن

أقدم مستر رامز يلقي كلمة الجمعية على سيادتكم ..

السفير : بيس .. تفضل مستر رامز .

رامز : مرحبا بكم سيادة السفير . أود بداية أن اشير الى أن فكرة تأسيس

جمعية انقاذ امريكا جاءت كرد فعل مباشر وسريع على الأحداث

الارهابية الآتمة التى استهدفت امريكا . وهذا يعنى ان هنا ارضية

قوية من الحب والتفاعل الانسانى بيننا كمصريين وبين الشعب

الأمريكى الطيب ..

سيادة السفير .. كم رغبنا فى ان اصرخ فى أصدقائنا واخوتنا

الأمريكيين الا تعلقوا على هيبة امريكا .

فبنظرة مجردة من اى حساسيات نجد أن الحدث رغم ما خلفه من خسائر لا يجاوز تصرف صبياني جاهل متهور . فأمرىكا هى امريكا ومرتكب الحدث قزم هلامى مختبئ .

وليزيد من التوضيح سيادة السفير . لنفرض أن حارسكم العملاق مقتول العضلات هذا والذي يحمل بالضرورة سلاحا تحت إبطه من أجود الأسلحة الأمريكية . لنفرض انه يتقدم فى أحد الشوارع الكبيرة المزدهمة منتصب القامة مهيب الطلعة . ثم جاء أحد الأقزام . قزم . مجرد قزم (يشير بيده إلى تناهى القصر) طوله كده . لا . اقصر كمان . وجاء هذا القزم من خلف الحارس العملاق ليعبث بمؤخرته بحركة قليلة الأدب خاطفة . وهب يختفى فى الزحام . فهل خسر الحارس العملاق شيئا من هيئته ؟ . أبدا يا سيادة السفير . الحارس هو الحارس لم يخسر من طلعبته ولا من مؤخرته شيئا . أما القزم فهو صرصور اختفى فى بالوعة . و ..

(يدخل سعد الفراش بلحيته الخفيفة والطاقيه البيضاء على رأسه . يحمل صينية

المشروبات)

الحارس : (ما أن يرى سعد حتى يبلغ استفزازه مداه . يندفع نحو السفير ويطرحه أرضا ويغطيه بجسده) لادن . لادن . مسلم . إرهابى . طائرات . متفجرات . جمره خبيثة .. (يتابع تحرك سعد وفى لحظة ينهض ويحاول الانقضاض على سعد الذى يهرول أمامه مذعورا) لادن . تنظيم قاعدة . مسلم . إرهابى .

(يتملك الخوف الجميع ومازال سعد يجرى فى أرجاء المكان مذعورا أمام الحارس) أمين الحقانى : يا نهار اسود . الحارس حاي موت سعد !! . أنور طاهر : وده نتفاهم معاه ازاي ده . سعد حايروح فى شربة ميه ! .

واثــــل : دى بقت حالة نفسية !! .. ارجوك يا رامز بيه . الحق سعد الغلبان .

رامــــز : ما تعلقوش . احنا صح . وهمه غلط . كله حايتصلح (يوعز لسارة بالتدخل لدى الحارس بينما يساعد هو السفير على النهوض من الأرض) .

ســــارة : (تستوقف الحارس) قف مكانك . انه ليس بإرهابى . انه سعد فراش جمعية .. يطلق لحيته عياقة فقط .

الحارس : بل ارهابي . استطيع أن اثبت لك ذلك . امريكا تقول انه ارهابي . ونجعل كوفي أنان يقر ذلك . وبريطانيا . واوروبا واسرائيل .. استطيع أن اثبت لك ذلك .

سارة : وتكذبنا نحن الأدرى به ؟!

الحارس : نحن الأصدق دائما .

سارة : لا تنسى اني انجليزية . والماما بتاعى امريكية .

الحارس : (يهدأ) اصدقك مؤقتا .

رامز : (يمسح بيده على جاكيت السفير) أهدأ سيادة السفير . جت سليمة . مجرد تهور من حارس سيادتكم معذور فيه .. اخنا ضرورى مقدرين الظروف النفسية .

أمين الحقانى : (يهدئ من روع سعد وهو يصحبه حتى المدخل) هدى نفسك بقى يا عم سعد .. معلش .. غرقان واتعلق بقشة .

السفير : (ينظر لحارسه نظرة استنكار ضاما أصابع يده كأنه يستحلف له) ما علينا . ما علينا .. أكمل مستر رامز .

رامز : ان جمعيتنا سيادة السفير تستهدف نشر الوعي بأهمية أن تظل امريكا فى مكانتها تقود العالم نحو المستقبل .

ولن يهدأ خاطر أعضاء الجمعية قبل أن يقتنع رجل الشارع العربى بأهمية الدور الأمريكى الحيوى فى حياتنا .

كما تستهدف الجمعية تحجيم وطأة الحدث الإرهابى على نفوس أشقائنا الأمريكيين معنويا ماديا

إن أمريكا أعطت امتنا الكثير وقد جاء دورنا لنرد الجميل .. فنحن نضع أنفسنا رهن إشارة اخوتنا الأمريكيين للقيام بأى عمل إنسانى من شأنه تعميق مشاعر الأخوة والمناصرة ..

وختاما .. تعيش امريكا تقود العالم .

(يهتف وراءه الحاضرن " تعيش امريكا تقود العالم)

سارة : (كمقدمى فقرات الاحتفالات) والآن كلمة سيادة سفير الولايات المتحدة الأمريكية .

السفير : لقد أسرتني مشاعركم الطيبة .. اننا على ثقة فى محبتكم لأمريكا .. ولعلكم تتفقون معنا فى أن أمريكا طوال الخمسين سنة الماضية قدمت كل ما تستطيعه للحفاظ على أواصر الصداقة والمحبة بيننا وبين الشعوب العربية . فثمار ذلك واضحة كل الوضوح ..

مستر رامز .. انه ليسعدنى فى هذه الظروف التى مد فيها كل

الأصدقاء اديهم لتلقى مقابل وقوفهم مع امريكا أن أجد هنا
أخيأرا أسخياء يعطون وقت المحن دون مقابل غير الحب
والصدقة الحقيقية ..
اننى فخور بكم .. ويشرفنى أن أعلنكم أن امريكا من الآن
تعتبر أعضاء جمعيتكم مواطنى شرف امريكيين .
(يصفق الجميع)

ســــــــارة : شكرا سيادة سفير امريكا .
الســــــــفير : (يتخذ طريقه للخروج) شكرا . شكرا مواطنى شرف امريكا
.. والى اللقاء .

(يخرج الجميع وراء السفير .. ويشرب أسعد برأسه خائفا ليطمئن
إلى انصراف الحارس فيدخل)

ســــــــعد : يا ابن المجنونة .. دا عساكر الأمن المركزى عندنا دكاترة
بالنسبة لك .. (يستطرد) .. إنما حاجة غريبة . اشمعنا أنا
اللى قامت جنونته عليا . مع انى عامل حيايه فى المشاريب .
وكننت معجب قوى بشكله .. فيه ايه يعنى ؟! .. حاجة فى
ملاحى .. والا مكتوبة على وشى ؟! .. دا انا حتى ما قلتش
كلمة فى سرى تزعله !! ..

(يدخل رامز وسارة وأمين وانور ووائل .. وما أنتقع أعينهم على سعد يقف حائرا
وسط المكان حتى يتهالك الجميع ضحكا عليه)

ســــــــعد : ايه يا بهوات .. بتضحكوا على ايه ؟!
ســــــــارة : (تتدالك نفسها من هوجة الضحك بالكاد) اخص أليكى
هوش !! . تبقى ارحابى واعملى ألينا مسكينة . وبعدين اقتلينا
؟! اقتلى أبرياء ما أملوش أى أذى فيكى ؟!

ســــــــعد : انا يا هانم ؟! .. الله يسامحك .
ســــــــارة : رجل أمن امريكى قال كده . يبقى انت كده .
ســــــــعد : وايش عرفه بقى بسعد ابو حوش الغلبان ؟!
ســــــــارة : مخابرات امريكى . تكنولوجيا امريكى تعرف كلى مستخبى
ســــــــعد : يبقوا هجص لا مؤاخذة . دا أنا ما اقدرش اقتل فرخة .
ســــــــارة : ما تقدرش اقتلى فرخة لكن اقتلى بنى آدم (تهجم عليه)
فتشوها هالا .. طلعوا منها سلاح . طلعوا جمرة خبيثة ..
ســــــــعد : (يجرى أمامها) جرا ايه يا هانم .. جرالكم ايه ؟!
(الجميع يغرقون فى الضحك)

رامـــــــز : حاتجى تانى ياسعد ؟ . بس . خلاص . دى الهانم بتضحك
معاك .. ما تنساش ان هى اللى انقذتك بواسطة الماما الأمريكية
بتاعها .

انور طاهر : اما يا عم سعد لو شفت نفسك (يشير الى كاميرا الفيديو) وانت
بتجى قدام الحارس الهلف .. منظر يساوى مليون جنيه .

أمين الحسانى : ما تنساش يا انور رجاء السفير بأن ما حدش يشوف الجزء ده
من التصوير .

واثـــــــل : بس أظن ما يضرش ان احنا نحتفظ بيه (ساخرا) والا ايه يا
عم سعد .

ســـــــعد : (بحيرة شديدة) اللى حايجنى . اشمعنى انا اللى قامت
جنونته عليا ؟ .. ما كلوكا كنتوا واقفين !!

رامـــــــز : شوف يا سعد .. ثلاث حاجات عاملاهم حساسية .. دقن .
طاقية . جلابية .. وانت معاك اتين منهم . دقن وطاقية .

واثـــــــل : نسيت حاجة رابعة يا رامز بيه .

رامـــــــز : وهى ايه ؟

واثـــــــل : (يهرول ناحية سعد) لادن . لادن . اسامة بن لادن .

ســـــــعد : بس انا زعلان قوى يا رامز بيه . زعلان من نفسى انى جريت
وما وقفش ادايع عن نفسى حتى لو مت بشرف . وزعلان منكم
كلكم . آه . كلكم وقفتموا تتفرجوا لحد ما تتدخل قريبتهم
وتنفذنى . كأن الرحمة ما تجيش من ناسنا خالص . (يهرول
خارجا)

(يجرى الجميع وراء سعد ينادونه : سعد . استنى ياسعد . سعد . سعد)

.. ..

المشهد الثانى

[مقر جمعية " إنقاذ أمريكا " من الداخل .. نفس ديكورات المشهد الأول]
(يدخل سعد الفراش وأكمام سترته وينظاله مشمرة ويبيده فوطة تنظيف صفراء) .

سعد الفراش : (يغرد أكمام سترته وينظاله ويهتدم من نفسه) هه .. كده كل حاجة ألسطة .. آخر نضافة (ينظر فى ساعة يده) بالذمة مش كان زمانى فى البيت دلوقتى ؟! .. يا ترى يا أستاذ انور وراك ايه بالظبط .. ايه الحكمة يعنى فى انى انصف المكان كله بالليل وماقفلشى واروح قبل ما يمر عليا ؟! .. تفتيش ده يعنى والا حكم القوى عالضعيف .. والا اكمنى الباشا رامن مسافر حيحكم هو ويتحم فىا ؟!

(يدخل أنور طاهر)

أنور طاهر : مساء الخير يا سعد . ها ؟ .. ايه الأخبار ؟
سعد الفراش : زى الفل يا انور بيه .. اتفضل حضرتك شوف .
أنور طاهر : لا . ماهو باين يا عم سعد .. اقعد . اقعد . تلاقيك تعبت قوى .
سعد الفراش : أنا فى الخدمة يا انور بيه .
أنور طاهر : طيب اقعد استريح .
سعد الفراش : هو احنا لسه حانقعد ؟ .. هو فيه ايه يا بيه ؟!
أنور طاهر : يا سعد اقعد . احنا فى انتظار حبيبك رامن بيه . جاى من السفر دلوقتى . ودى أوامره . عندنا اجتماع مهم . اقعد . اقعد ندردش سوا لحد ما ييجوا .
سعد الفراش : هه .. واهى قاعدة (يجلس .. ويستطرد) آه . بالحق يا انور بيه . أنا سمعت اسم الجمعية بتاعتنا فى الراديو . واسم رامن بيه .
أنور طاهر : أمال يا سعد . انت مش مدرك انك بتشتغل فى جمعية بقالها شهرة عالمية ؟ .. وطبعا الكلام اللى انت سمعته ده كان فى الأخبار ؟
سعد الفراش : ايوه يا بيه . كان فى النشرة .

أنور طاهر : طيب .. انت سمعت النشرة بالصدفة واللا انت بتحسب تسمع
النشرة دايمًا ؟

سعد الفراش : بالصدفة ايه يا بيه .. دانا حتى كنت مدمن راديو .. طول
الليل والراديو كان جنب ودنى .. كنت باحب اسمع برامج
كثير . حوارات جميلة مسلية ومفيدة . حكايات وموضوعات
ياما . لكن دلوقتى مايقاش غير النشرة والقرآن.

أنور طاهر : الله ؟ . والحوارات والموضوعات ؟ زهقت منها واللا ايه ؟!

سعد الفراش : لا يا بيه .. الراديو هو اللي زهق .

أنور طاهر : هاهاها .. الراديو هو اللي زهق ؟!

سعد الفراش : ايوه .. كل ما افتح الراديو بالليل ألقى المحطات كلها أغاني
فى وقت واحد .. كأن وظيفة المذيعين انهم يحطوا شرايط
كاسيت قدام الميكروفونات وهات يا غنى !! .. وساعات اعتر
فى حديث بين مذيع واللا مذيعه وضيف محترم .. الضيف
يتكلم نص دقيقة وهب يحشروا اغنية بحالها . وفيبيين لما
يرجع الضيف يقول كلمة نستفيد منها حاجة ! .. اغانى .
اغانى . اغانى .. حاجة تزهق .

أنور طاهر : ودى فرقت معاك كثير يا عم سعد ؟

سعد الفراش : لا مؤاخذه يا بيه . انتو يا ناس يا متعلمين دايمًا تتكلموا عن
الجهل والأمية انها من الحاجات اللي جايبة البلد لورا .. صح
؟

أنور طاهر : صح جدا يا عم سعد .

سعد الفراش : أهو الراديو بقى قبل ما يبقى اغانى فى اغانى كان شايل عننا
كثير من جهلنا . الكوجى واقف يكوى هدم الزباين والراديو
شغال . يحكى حكاية من هنا . ويقول نصيحة من هنا . وعظة
من هنا .. والنجار والحداد . والجزماتى .. اتعلمنا حاجات
كثير من الراديو .. لكن الأغاني حاتعلمنا ايه ؟ .. وفى الآخر
تقولوا علينا جهلة . ويتعلقوا فى حنة فك الخط .. طيب ما
ايه فائدة فك الخط وانا مجرد وذن بتسمع اغانى والسلام ؟!
فين الوعى . فين النور .. آه لو عندى محطة راديو !!

أنور طاهر : كنت حاتعمل ايه يعنى ؟!

سعد الفراش : كنت حاخليها كلها حوارات . ضيوف بتشغى . اشى مهندس
. اشى دكتور . اشى بتوع سياحة . اشى هوانم يحكوا عن

النضافة وإزاي الست تبقى ست بجد .. كنت اخليك المكوجى
يكلمك بلسان سفير .. النور يا بيه مش فك خط . لا . النور
طبايع وفهم حياة .

أنور طاهر : الله يا سعد .. دانت خطير .. له حق رامز بيه يحبك .
سعد الفراش : رامز بيه .. الله يعمر بيته . ويعوض عليه .
أنور طاهر : قريبك يا سعد ؟
سعد الفراش : لا يا بيه . اكتر من القريب . بحبه زى اخويا . قول ابويا ..
نعرف بعض من كام سنة .
أنور طاهر : من قبل الجمعية بقى ؟!
سعد الفراش : يكتير .. اصل أنا يا أنور بيه كنت باسرح بجمل فى منطقة
الهرم . افسح السياح واحكى لهم عن الآثار . وفى يوم كان من
زباينى رامز بيه والست سارة قبل ما تعرف تتكلم عربى ..
اتعرفنا على بعض وزارونى كام مرة .. جه رامز بيه عزمى فى
بيته وجاب كتاب كبير مليان صور جميلة لآثار منطقة الهرم
وطلب منى اشرح عليه للست سارة .. كان سخى قوى معايا ..
تقدر تقول حبيبنا بعض .. ودارت الايام واختلفت مع ابنى
عمى .. وعسى عمدة النزلة وأنا كنت وحيد امى وابويا الله
يرحمهم . مالىش اخوات رجالة وعزوة . حايلاه مراتى وعيلة
فى اللفة .. حكسوا عليا وادونى مهلة ارحل عن النزلة
ومارجمعهاش .
أنور طاهر : ايه ده ؟ كلام فاضى ؟ مافيش قانون . مافيش بوليس ؟!
سعد الفراش : يا بيه الحياة فى الورق والكتب حاجة وبين الناس حاجة ثانية
البوليس والقانون مش حايعينوا لواحد غلبان حارس شخصى
.. القانون يعدل والبوليس ينفذ وخصومك يقولوله على عيننا
ورأسنا . وبعد ما يغفل القانون ويرحل البوليس خصومك
يستلموك ويخلوا الدنيا فى عينك اسود من قرن الخروب ..
تبقى عملت ايه بالقانون والبوليس ؟!
أنور طاهر : الله ؟! امال الناس تعمل ايه ؟ . تعيش إزاي ؟!
سعد الفراش : لازم تبقى قوى . عندك عزوة . بالك .. خصمك اللي بيغترى
عليك ويرهبك بكأم عيل عنده . بيعمل خذه مداس للى عنده
عيال اكتر منه .. اما اللي بحتة عيلة يفضل منط للكل .
(يدخل وائل حال نطق سعد بآخر جملة)

واثــــل : ايه اللى بتقوله ده يا عم سعد . (يخيظ بيده على صدره)
امال فين الرجالة . دا انا اجيب لك ميت راجل يكسرولك
عضم اللى يزعلك . لامؤاخذه يا استاذ انور . مساء الخير

سعد الفراش : ربنا يخليك يا استاذ وائل . دا احنا بنتحكي عن زمان .. دلوقتى
انا فى حمى ربنا ورامز بيه . وكمان لما جوزت بنتى قلت لها
خلفى لنا أورطة عيال . وبنتى الثانية ان شاء الله .
أنور طاهر : لالا . لأ يا عم سعد . مش للدرجاتى . ما تخليش الموقف ده
يعمل لك حساسية . احنا بقينا كتير قوى على مواردنا ..

سعد الفراش : ايه ؟
أنور طاهر : بعدين اشرح لك . لكن المهم . اشتغلت ازاي مع رامز بيه ؟
سعد الفراش : أول ما حكموا عليا أسبب النزلة اسودت الدنيا فى وشى . اروح
فين واجى منين ؟ .. حكم القوى عالى الضعيف .. آم ربنا
الهمنى اروح ارمى حمولى على رامز بيه .. الراجل بكل شهامة
المصريين الأصله راحب بيا وقاللى خلاص . من دلوقتى انت
بتشتغل معايا . ومن بكره حادبر لك شقة صغيرة على قد عيلتك
.. وقد كان يا بيه .. الله يعمر بيته ويعوض عليه بالخلفة
الصالحة ويوفقه .

واثــــل : رامز بيه انسان مصرى حتى التخاذ .. يا ريت كل الناس يبقوا
زى رامز بيه .. (يستطرد) .. انما يا استاذ انور ما طلعتش
بأى انطباعات من مكالمتك معاه ؟ .. ميسوط يعنى واللا ... ؟
سعد الفراش : (بتوجس) واللا ايه يا استاذ وائل ؟ .. هو رامز بيه بيعمل ايه
فى بلاد بره ؟ .. اوعوا يكون عيان ؟ ! ايه اللى ممكن يزعله
هناك ؟ !

أنور طاهر : اطمن يا عم سعد . رامز بيه بخير وزمانه جاي ..
واثــــل : الحكاية مش زى ما انت فاكتر يا عم سعد .. رامز بيه سافر
امريكا لعمل انسانى ووطنى عظيم .
أنور طاهر : ايوه يا سعد . انت شوقت رامز بيه قدر يضم ناس قد ايه
للجمعية .. من مصر والبلاد العربية .. وأظنك سمعت عن حجم
التبرعات المهولة اللى جمعتها الجمعية عشان تساعد بيها امريكا
على تجاوز محتنتها .

واثــــل : أهو رامز بيه واحنا كلنا أمل ان السلوك الحضارى الانسانى ده
يرجع امريكا لرشددها .. يفوقها على قيم العدل والمحبة

والانسانية . يقول لها الدنيا زهقت من الشر . من الكذب
والخداع والمؤامرات .. يفهمها ان الرجوع للحق فضيلة .

سعد الفراش : (بسخرية) ياريت يا بهوات . ياريت كان كل ظالم متجبر
تفوقه كلمتين طيبين واللا آية أو حتى كل اللي فى الكتب
السموية كنا حطيناها بين ايديه .. يا خسارة الفلوس اللي لمتوها
يا خسارة نبلكم وانسانيتكم .. الشرير يا بهوات مخاويه الشيطان
يتكلم بلغته ويتصرف مكايده .

يعنى ما يفوقشى يا سعد ؟!

سعد الفراش : ما اعرفشى . دا انا بوست ايد عمى ودماغ ابن عمى رغم ان الحق
معايها ومافيش فايده .. قتلهم قال الله وقال الرسول . ومافيش
فايده . حكيت سبب الخلاف فى حضور كبار النزلة والحق واضح
زى الشمس . وبرضه مافيش فايده .. (يضحك سخرية) أهو انا
بقى شايف امريكا دى زى عمى بالظبط . واسرائيل زى ابن عمى
الى ماسك دماغ ابوه وطاويه .. وبرضه مافيش فايده ..

واثــــل : لا يا عم سعد . الوضع مختلف .

سعد الفراش : جايـز يا استاذ واثــــل .. أهو على قد فهمى .

(تدخل سارة ورامز وأمين الحقانى .. ويلتقيهم الآخرون بحفاوة)

سعد الفراش : حمد الله على السلامة يا رامز بيه (يتحول ناحية سارة) حمد
الله على السلامة يا سارة هانم .

ســــارة : (مداعبة) سعد بن لادن . امسكوها . فتشوها . طلعوا طيارات .
كنا بل . جمرة خبيثة ..

سعد الفراش : تانى يا هانم ؟!

(يصحب رامز الرجال الثلاثة الآخرين الى الجانب الاخر من المسرح وبينهم حوار هامس)
ســــارة : اسكتى سعد .. هناك هوس . رعب اسمه جمرة خبيثة .. حارس
سفير اياه مش ييجى حاجة فى حاصل هناك .. امريكا مش
امريكا !!

سعد الفراش : آمال بقت ايه يا هانم ؟!

ســــارة : بقت حاجة مجنونه .. حاجة مخلبطة .

سعد الفراش : ملخبطة .

ســــارة : ملخبطة .. ايه . ايه . ملخبطة . ابوه ملخبطة خالص .

سعد الفراش : اللهم لا شماتة ..

ســــارة : ايه معناه دى سعد ؟

سعد الفراش : لا أبدا . معناه . تو سورى . أروح انا اشوف شغلى (يخرج)
(تجلس سارة على مكتب رامز بينما يتجه رامز والرجال الثلاثة الى المقاعد)
رامز : اتفضلوا اقعدا .
انور طاهر : طيب .. واعضاء الكونجرس ؟
أمين الحقاني : ما يفرقوش فى حاجة عن كل اللي قابلناهم وناقشنا معاهم الموقف .. بعض الامتنان .. وإصرار على قناعات مختلفة صعب تحريكها .
رامز : روى مغلوطة ومواقف متشددة مش فى صالحنا ..
أمين الحقاني : أو كأن رجال السياسة المحترمين مجرد موظفين عند اسرائيل !
رامز : مش كأن يا أستاذ أمين .. دى هي الحقيقة .. لازم نعرف اننا مهما بلغنا من حصافة فى حواراتنا مع الأمريكان . ومهما قدمنا من افكار عن مصالح متبادلة . فاحنا بنراهن على هامش لا يذكر من الرحمة والعدل الأمريكى .
واثيل : ياه ؟ كأن المسألة مش حوار واقناع بدليل على حق واضح ؟!
رامز : كان ممكن تبقى المسألة كده لو أنك بتحاول وتحاول تقنع دماغات حرة بجد .. دماغات ما سيبتهاش حوالى ميت سنة يشكلها اليهود .
أمين الحقاني : حقيقى يا وائل .. فى ميت سنة اليهود هودوا المسيحية الأمريكية لدرجة ان المسيحي الأمريكى يعتقد ان دعم امريكا لاسرائيل رسالة الهية بسببها يبارك الرب امريكا .. وان بقاء امريكا السياسى والروحى مرتبط بدعمها لاسرائيل !!
رامز : وخلال ميت سنة سيطر اليهود على الإعلام الأمريكى لدرجة جعلته يرى أن خبر جرح جندي اسرائيلي بحجر من طفل انتفاضة فلسطيني أهم مليون مرة من تكسير الجنود الإسرائيليين عظام أم فلسطينية .
أمين الحقاني : واذا مات جندي اسرائيلي اثناء الانتفاضة تلاقى مانشيت اكبر الصحف الأمريكية " الارهابيون الفلسطينيون يقتلون جنديا اسرائيليا " !
رامز : وخلال ميت سنة سيطر اليهود على مؤسسة الرئاسة وعلى الكونجرس .. وكفاية أقولك أن اكثر من ٧٥٪ من أعضاء مجلس الشيوخ الأمريكى يهود .. وان ٧٠٪ من أعضاء مجلس النواب المنتخبين نجحوا بدعم مالى يهودى !

أمين الحقاني : وفي عهد كلينتون مثلا كان سبع إدارات من الحداشر إدارة التي
يبتكون منهم مجلس الأمن القومي كان يرأسهم يهود.

رامز : ليه ؟ .. وفترة رئاسته الثانية عين ثلاث وزراء يهود (للخارجية والدفاع والخزانة) دا غير مستشار الأمن القومي .

أمين الحقاني : فضلا عن النفوذ المالي اليهودي اللي بيشتري أول بأول المرشحين
للرئاسة ومناصب حكام الولايات وأعضاء الكونجرس .

أنور طاهر : معنى ما فيش فائدة ؟ .. سعد برضه قال مافيش فائدة .

رامز : حانهزر واللايه يا استاذ أمين ؟ .. سعد زغلول قال لصفيه أم
المصريين مافيش فائدة لما حس انه ميت ميت .

أنور طاهر : ما اقصدش سعد زغلول . انا باقصد سعد ابو حوش .

رامز : سعد أبو حوش ؟!

أنور طاهر : ايوه . سعد قال : پوست ايد عمي ودماغ ابن عمي رغم ان الحق
معايا ومافيش فائدة .. قلت لهم قال الله وقال الرسول ومافيش
فائدة .. حكيت سبب الخلاف في حضور كبار النزلة والحق
واضح زى الشمس وبرضه مافيش فائدة .. سعد البسيط قال انه
شايف امريكا زى عمه واسرائيل ابن عمه اللي ماسك دماغ ابوه
وطاويه .

وائل : (ينفعل منهار) معنى مافيش فائدة .. آمال احنا لزمنا ايه ؟!

.. دورنا ايه في دا كله ؟!

سارة : (تنزعج لانهيار وائل وتهول ناحيته تطيب خاطره) وائل ..
اهدئي وائل ..

وائل : لزمنا ايه ؟ لزمنا ايه يا مس سارة ؟!

سارة : لزمنا ايه ؟ .. مستر رامز احسن واحد قال لزمنا ايه . لزمنا
انقذ امريكا . لزمنا انقذها من سيطرة يهود .. حين تشفى
امريكا من مرض تعود امريكا أصلية . انقذ عالم من شر بدل ما
ياخد عالم للشر .. تنشر عدل وحرية . عالم كله يغرق . يصحى
من غفلة واخذه لدمار . لزمنا انقذ امريكا مستر وائل عشان انقذ
عالم كله . عرب وغير عرب ..

وائل : لكن إزاي ؟! .. ازاي ننقذ امريكا وهى عاملة زى ما تكون
مسحورة ؟!

رامز : هو ده السؤال يا وائل اللى سرب الإحباط لنفسى فى زيارتنا
لأمريكا .. هو ده السؤال اللى لازم نلاقى له إجابة واقعية .

أنور طاهر : إذن . احنا مطالبين بتغيير منهجنا . واسلوب عمل الجمعية.

أمين الحقاني : طلعنا احنا غلط !!
 رامز : لا يا استاذ أمين .. لا يا جماعة احنا صح وهمه غلط .. لنعتبر
 اللي فات مرحلة .
 وائل : واللي جاي يا رامز بيه ؟!
 رامز : اللي جاي مرحلة جديدة . عايزة إعادة تفكير .. افكار جديدة
 .. لغة جديدة .. اسلوب عمل جديد .
 أنور طاهر : وازى حانبدأ ؟
 رامز : زى ما قلت .. نبدأ بالبحث عن إجابة واقعية للسؤال .. إزاي
 ننفذ امريكا ؟ .. إزاي ننفذ امريكا ؟؟ ..
 أمين الحقاني : عايز اتبهمكم قبل ما نشتغل لمرحلة جديدة إن احنا بقى موقفنا
 حرج .. عشمنا الناس بإننا كجمعية أهلية حانقدر نكون مؤثرين
 . الناس ضحت بمالها لخطر انقاذ امريكا وهى نص مقتنعة ..
 دلوقتي حانقول لهم ايه؟! .. نقولهم احنا اتصرفنا بكرم شديد
 مع اللي بينهبونا ويدوا سلاحهم للى بيقتلوننا ؟! .. ايوه ..
 اتصرفنا كمادتنا بكرم هو السفه بعينه !!
 رامز : استنى يا استاذ أمين . انا مش عايز حماسكم يوصلكم للإحباط
 واليأس .. الناس مهما كان مش حاتيجي تمسك فى رقبتك واللا
 رقبتي عشان اتصرفنا بنبل وانسانية مشهود لينا ولأهاليها بيها
 .. ثم ان احنا ماقفلناش الجمعية وروحنا حطينا ادينا على
 خدودنا .. فكرتنا زى أى فكرة قابلة للتطوير . المهم اننا وصلنا
 لمريط الفرس . إزاي ننفذ امريكا .. ده دور عقولنا وجهودنا . لأن
 ده الحل الوحيد .
 وائل : واحنا بابكانياتنا دى اللي حاننفذ امريكا ؟!
 رامز : شوف يا وائل . والتشبيه هنا مع الفارق . الناس اللي قاموا
 بعملية حداثر سبتمبر وحققوا الدمار اللي حصل فى امريكا ..
 الدمار اللي ما حدث فى الدنيا كلها كان يتوقعه او يحلم بيه
 مجرد حلم .. الناس دول ممكن يكون عددهم عشرين راجل ..
 وممكن يكونوا أقل . ايوه . ممكن يكونوا همه الناس الى ساقوا
 الطيارات وماتوا فيها ويس . همه اللي خططوا ونفذوا وماتوا .
 أنور طاهر : ده وارد فى عملية ارهابية . لكن فى مسألة فكرية منهجية .
 أشك !
 رامز : انا بقى ما اشكش . بل متأكد . المهم الإصرار . والحيلة .
 المسألة عايزة حيلة علي مستوى الهدف المطلوب تحقيقه .

واثــــل : (بسخرية) ومن امتى واحنا حيلنا بتخيل عليهم ولاد ال ..
أمين الحقانى : لأ . هنا بقى اقولك قف . يمكن انت عشان سنك ما توعاش .
فى اكتوبر ٧٣ كانت اسرائيل هى اسرائيل . ويمكن اكر غرورا
وتعالى بمظنة انها صاحبة جيش لا يقهر وانها متحصنة بخط
باريف المهول اللى المفروض يلغى أى فرصة عن العرب لمجرد
التفكير فى حرب .. وكانت امريكا هى امريكا بل اكر صراحة
فى عدائها للعرب . وكل قوتها وامكاناتها فى صالح اسرائيل
... جه فلاح مصرى اسمه السادات غفاهم وغمى
تكنولوجيااتهم واجهزة مخابراتهم بالحيلة . حاربنا بسواعد
الرجال وايمانهم بالله وقضيتهم .. اديناهم درس عمرهم ما
حينسوه .. بالحيلة يا صاحبي وسلاح عالقد حققنا اللى ما
يتصورهوش حد .

أنور طاهر : ياااه .. مشكلتنا ان احنا بننسى . بننسى اننا فى جدنا نخوف
بجد . وده بيخلينا نستسلم لحيل التخويف اللى بيلعبوها علينا
.. فكرتنى يا استاذ أمين . صحتنى على انى قوى بجد . انى
اقدر . اقدر . اقدر .

رامــــز : هو ده ايمانى بنفسى وببكم اللى مأكدل اننا مش حانعدم حيلة
.. بس نفكر . نحلم . نحلم على قد هدفنا .

ســــارة : (تنادى على نحو مفاجئ) هوش .
رامــــز : (يتزعج) ايه يا سارة ؟! .. ماله بوش ؟!

(يدخل سعد)

ســــارة : (تضحك) انا مش بنادى بوش هيببى . انا اتادى هوش .
هوووش !

رامــــز : (يتأمل سعد وهو مقبل .. يهرش فى رأسه مندهشا) تعالى يا
سعد . قرب . لا . على مهلك خالص . ايوه . استاذ انور يا
مصور يا سينمائى (يقترب انور من رامز فيهامسه) لف كده
ياسعد . تمام . هه . لف الناحية الثانية (يهامس أنور) .
(يقف الجميع فى دهشة من سلوك رامز حيال سعد)

ســــارة : فيه ايه رامز ؟!

رامــــز : فيه ان كلكوا لازم تروحوا دلوقتى . سببوني لوحدى . حابات
فى الاستراحة . محتاج افكر . احلم واحلم واحلم .. ياللا .
(ينصرف الجميع .. ويدخل رامز حجرة الاستراحة)

• • • • •

المشهد الثالث

[مقر جمعية " إنقاذ امريكا " من الداخل وقد أخلى قطاع منه من اثاثه فى المشهدين السابقين ليحل مكانه كرسى وثير كأحد كراسى صالون فى قصر من قصور الحكم العربية .. ومن ورائه خلفية لجدار من جدران القصر بنقوشها وزخارفها .. واسفل الكرسي ولمساحة بسيطة أمامه أرضية مناسبة لصالون فى قصر حكم]
(يدخل أنور طاهر من الاستراحة باتجاه الركن الرئاسة وهو يدفع أمامه كاميرا تصوير فيديو فوق حاملها .. ثم يشرع فى تضيق موقع الكاميرا من الكرسي) .
(يدخل رامز من الباب الرئيسى للجمعية)

رامز : ها يا استاذ انور ؟ .. جاهز ؟

أنور طاهر : كله تمام .

رامز : بس يا ترى امكانيات وائل فى الكمبيوتر صحيح حاسداك فى عمل المنتج المطلوب للفيلم من غير ما نحتاج لأى جهة فنية تكشف سرنا ؟

أنور طاهر : وائل ولد ممتاز . عبقرى . حقق قدامى أكثر من تجربة رائعة . نتائج هائلة . دا جمعلى اسماعيل ياسين وهنيدى فى مشهد واحد ببسملوا على بعض فى تناغم عجيب وكأنهم فعلا اتصوروا فى كادر واحد !

رامز : ممتاز .. عمار يا مصر .

أنور طاهر : احنا كده ستاند باى .

رامز : زمانهم جايين .. (يستطرد) انما ايه رأيك .. بوش فى رحلته دى زار كل دول المنطقة ما عدا السودان وسوريا ولبنان وليبيا وطبعاً العراق !

أنور طاهر : بصراحة الموقف ما يطمئنش . امريكا ما استفادتش من المحنة . وضرورى ناوية على حاجة مهيولة .

رامز : طبعا هم بعد ما سكنوا الموقف فى افغانستان حايعاولوا يكملوا بقية المخطط . و..

(تدخل سارة وأمين الحقانى ووائل)

سارة : (تصفق بيديها) سيداتى سادتى .. فى زيارتكم الآن شخصية

(يعزف السلام الأمريكي .. ويدخل سعد وقد تحول بالماكياج أو الماسك والملابس
إلى شبيهه للرئيس بوش)
(يصفق الجميع وسعد يمر من خلالهم متوجها ناحية الكرسي الوثير . يجلس
ويضع ساقا على الأخرى)

- أنور طاهر : (يقف وراء الكاميرا للتصبيط) اتعدل كده مستر بوش .
سعد الفرائش : قل لي عمى بوش ولد .
أنور طاهر : (يعود من وراء الكاميرا ليقف في خشوع امام سعد) .. آه ..
(يمسك يد سعد ويقبلها) عمى بوش . أرجوك . اتوسل إليك
. شوية عدل .
سعد الفرائش : قبلت رأس اسرائيل ابن عمك ولد ؟
أنور طاهر : قبلتها وسفيت كل قملها .. وقلت له كفايانا عداوة ونعيش في
سلام .
سعد الفرائش : هو كمان قال عداوة كفاية . سلام مطلوب . لكن عشان دى
يحصل انت لازم تسيبى بيتك وتسيبى نزلة بهالها وامشى
بعيد مشي ايجى تانى . انسى نزلة دى خالص عشان يعم
سلام وانتهى عداوة .
أنور طاهر : يا سلام على عدلك يا عمى وانت عمدة !! . عمدة كبير واجع
دماغنا بحقوق القلة والغلبة والمستضعفين .. ياسلام على عدلك
اللى بينز ظلم .. عارف يا عمى .
سعد الفرائش : عارف ايه ولد ؟!
أنور طاهر : كل اللى دلخوا ولادهم بزيادة . ولادهم لما كبروا ضربوهم
بالجزم . أو على الأقل اتسبوا في ضربهم بالجزم .
سعد الفرائش : عيب ولد .. انا عمدة قوى .
أنور طاهر : مافيش قوى بيفضل قوى غير الله .. منك لله .. منك لله .
(يضحك الجميع)
رامــــــــــــز : كفاية هزار يا جماعة .. استاذ أمين . من فضلك عيد لنا على
السيناريو بتاعنا قبل ما نبدا تصوير .. عايز سعد يخش في
الموضوع وهو لابس الشخصية .
أمين الحقائى : حاضر .. انتبه معايا يا سعد .
سعد الفرائش : قول لي عمى بوش ولد .
وائــــــــــــل : خلاص يا عم سعد .. ركز مع الاستاذ أمين .

سعد الفراش : والله انا مركز . وحافظ كل حاجة زى ما علمتوني .. انا بوش
رئيس امريكا . حركاته وسكناته وطريقة كلامه . زى الشريط
اللى وريتوهول ألف مرة .

أمين الحقانى : كويس جدا يا عمى بوش .. الكلام اللى حاتقوله المفروض ان
رئيس امريكا قاله لشخصية عربية كبيرة فى لقاء خاص .. بينه
وبينه يعنى .. ودلوقتى انت قدام الكاميرا لأول مرة .. عايزينك
تنسى الكاميرا خالص .. كأنها والاستاذ انور مش موجودين
بالمرة .. فاهم ..

سعد الفراش : فاهم يا استاذ .
(يأخذ أنور موقعه وراء الكاميرا .. ويتعد الجميع عن سعد ليقفوا بجوار وخلف
انور فى الجهة المقابلة)

أنور طاهر : جاهز مستر بوش ؟
سعد الفراش : أوكى .. صور .. (كأنه يحدث أحدا بجواره) ليس هناك ما
يدعو لدهشة .. اثنين سؤال لازم استوقف أى غيور على
مصلحة وامن قومى امريكا .. سؤال أول : لماذا امريكا مكروه
من كل شعوب أرض ؟! .. وسؤال آخر يقول : هل تستطيع
امريكا قيادة عالم يكرهها ؟! ... (ينخرط فى موجة ضحك)
تعرف مستر ... انتم عرب ونحن امريكان الأكثر سذاجة بين
كل أمم .. انتم تاريخكم حذركم من يهود ومع ذلك وقعتم فى
فخ يهود ! .. نحن ايضا عندنا تحذير مهم من غزو يهود
لأمريكا .. من اكثر من اثنين مائة سنة .. (يضع يده فى حيب
جاكتته ويخرج قصاصة ورق) هذه ورقة احملها فى جيبى
دائما منذ حادث اربابى فى ١١ سبتمبر .. تلح على عقلى أن
أخذ موقف حاسم من يهود لصالح بقاء امريكا .. (يستطرد)
اسمع مستر بنجامين فرانكلين رئيس امريكا زمان قال ايه (
يفرد الورقة ويقرأ منها) قال :

" الولايات المتحدة يتهددها خطر هائل يتمثل فى اليهود .
انهم أينما وجدوا فانهم يهبطون بالمستوى الأخلاقى وينشرون
عدم المصادقية فى المعاملات التجارية . انهم يصطنعون الحزن
على الوطن الأم . ولكن إذا أعطاهم العالم فلسطين فإنهم مثل
مصاصى الدماء لا يستطيعون الحياة وسط انفسهم . لابد من
الحياة وسط غيرهم ليفترسوه . انهم إذا لم يستبعدوا من

الولايات المتحدة بنص دستوري خلال مائة عام على الأكثر
فإنهم سوف يتدفقون إلى أمريكا بأعداد تتيح لهم أن يحكمونا
وأن يدمرونا . انهم يختلفون عنا حتى ولو عاشوا بيننا عشرات
الأجيال . ان النمر لا يغير جلده المنقط .. إنى احذركم إذا لم
يستبعدوا اليهود نهائيا من أمريكا فإنهم يعرضون مؤسساتنا
لأشد الخطر .."

(يطوى الورقة ويعيدها الى حبيه وهو منخرط فى البكاء)
وقتلوه .. قتلوا فرانكلين الذى غار على وطنه أمريكا . فرانكلين
قال مائة سنة على الأكثر لنستبعد يهود . لكن يهود استنامونا
اتنين مائة سنة . قبضوا على رؤسنا . سيطروا على مؤسساتنا .
كل ما قاله فرانكلين تحقق بالفعل .. وياك أمريكا لو بقيت
اسيرة لهم (يصمت . يستطرد) لذلك مستر انا اتفاهم
مع كل اصدقاء مخلصين يتمنون انقاذ أمريكا . اصدقاء يتكتمون
سر مشروعا فى التخلص من يهود فى أمريكا .. يساعدوننا ..
يقدرن مسعانا لطردهم من أمريكا .. اصدقاء يؤمنون ان انقاذ
امريكا من يهود هو انقاذ للعالم كله من براثن يهود أشرار ..
لا بد أن انقذ أمريكا .. لا بد أن انقذ أمريكا .

أنور طاهر : (يشير بيده) ستوب .. براقو سعد .

سعد الفراش : قل لى عمى بوش ولد .

(ينخرط الجميع فى الضحك ويحيطون بسعد يهنئونه)

وهو يخاطب كل واحد منهم : قل لى عمى بوش ولد

رامز : ما خلاص بقى يا سعد . أخرج من شخصية بوش وفوق .

سعد الفراش : خلاص يا رامز بيه .. أنا أهو سعد (يستطرد) بس فيه
حاجة لسه محيراني !! ..

رامز : ايه بقى اللي محيرك يا سى سعد ؟!

سعد الفراش : لما الرئيس بوش قال الكلام ده للشخصية العربية المهمة .. أنا
باقوله تانى ليه ؟!

سارة : أوووو سعد !! .. انت دماغك ناشف خالص !!

سعد : يا سارة هانم اعذرينى . انا عشان بحبكم بانقذ اللي تقولوا
عليه من غير ما أسأل ليه .

أمين الحقاني : شوف يا عم سعد .

سعد الفراش : قل لى عمى بوش ولد .

وائسل : يبيبيبيبيبي !!

أنور طاهر : خلاص .. خليك على حيرتك .
سعد الفراش : لأ . لأ . معلىش . أنا متأسف يا استاذ أمين .
أمين الحقاني : طيب يا عم سعد ..
سعد الفراش : قل لى .. أرجوك يا أمين بيه انا باسجل الكلام تانى ليه ؟
أمين الحقاني : لازم الأول تفضل فاكركويس انك اقسمت معانا على ان اللي احنا بنعمله ده يفضل سر ما تبوحشى بيه لحد
سعد الفراش : إلا فاكرك .. اسأل عنى رازم بيه .. دا أنا لو اتقطع حقت حقت ما أبوحشى بسر حد ائتمنى عليه ابدًا ..
أمين الحقاني : عظيم .. الكلام اللي انت سجتله ده ما قالهوش الرئيس بوش ابدًا .
أنور طاهر : والجهد اللي عملناه معاك لحد ما سجلناك . دا عشان نوحى لناس معينين ان بوش هو اللي قاله ..
سعد الفراش : ناس معينين ؟ . ازاي ؟! . مش فاهم ؟!
وائسل : فاكرك شريط الرئيس بوش اللي مرناك عليه يا عم سعد علشان تعرف تقلده .
سعد الفراش : فاكرك ؟! . دا انا حافظه .
وائسل : أنا بقى حادخل الجزء اللي سجلناه معاك فى الشريط ده . تقوم تخش على الناس دول ان الرئيس بوش هو اللي قاله .
سعد الفراش : آه . فهجت . مش تقولوا كده . (يستطرد) والناس دول . اللي حايش عليهم الكلام ده . يطلعوا مين ؟
رامز : الاسرائيليين يا سعد .
سعد الفراش : (بدهوة) يعنى الشريط ده حايتفرجوا عليه الاسرائيليين ؟!
سعد : طبعا سعد .. آمال احنا بنعمل كل دى ليه ؟!
سعد الفراش : (ينهار على الكرسي) يا نهار مش فايت !!
أمين الحقاني : ايه ؟! . اتخضيت ليه يا سعد ؟!
سعد الفراش : اصل الكلام ده يزعل اليهود من بوش قوى .
وائسل : طب ما يزعلوا .. ما هو ده المطلوب .
سعد الفراش : يزعلوا واللا ينفلقوا . لكن . حايقتلوا الراجل زى ما قتلوا فرانكلين ونبقى احنا السبب (بحسرة) حانبقى السبب .. حانبقى السبب .
رامز : ما تاخافش يا سعد . مش حايتقتل . فى الوقت اللي حا يتفرج فيه الاسرائيليين على الشريط حانكون محذرين الرئيس بوش من ان اليهود ناويين يقتلوه ..

ســــارة : ودى توفر فرصة هایل لـ C. I. A أقبض على عناصر يهود
حين يحاول اقتل بريزدنت بوش .

أمین الحقانی : وقبلها . أعضاء جمعيتنا من كل الوطن العربى اللى همة مواطنو
شرف امريكان . بالإضافة لأصدقائنا هناك . حايكونوا فرشوا
الشارع الأمريكى بملايين النسخ من تحذير الرئيس فرانكلين اللى
بيحضهم على طرد اليهود من أمريكا .

رامــــز : عشان يصادف القبض على العناصر اليهودية اللى حاتحاول قتل
بوش رأى عام مضاد لليهود وغضب الإدارة الأمريكية فى نفس
الوقت .

أنور طاهر : دا غير النصيحة المخلصة اللى حايلاقيها الرئيس بوش على
مكتبه . واللى فيها منهج واضح لكيفية التخلص من اليهود فى
أمريكا بدءا من السيطرة على منافذهم الإعلامية فى وقت واحد
. مروراً بتحديد إقامة العناصر اليهودية اللى فى سدة الحكم
والمناصب السياسية هناك .. حتى دفع اليهود للخروج من
امريكا الى الشتات من جديد .

سعد الفــــراش : يا جاه النبى !! دى لفة كبيرة قوى !! .

ســــارة : لفة كبير لكن مش خسارة سعد عشان انقذ عالم من شر كبير

سعد الفــــراش : عندك حق يا ست سارة . (يستطرد) آه بالحق .. السفارة
الامريكية اتصلت عشانك كتير امبارح .

ســــارة : (ترتبك) نعم سعد . هم كلمنى (تحاول تغيير مجرى
الحديث) سعد . نحن احتاج اشرب حاجة ساقع الآن .

رامــــز : (ينتابه نوع من الشك فى سارة . يدور حولها) ايه سارة ؟!

.. السفارة الأمريكية كانت عايزة منك ايه ؟!

ســــارة : لا . ابدأ هيببى . سيادة سفير امريكا كان اطمئن على نشاط
جمعية وابعت لك تحية .

رامــــز : (بشك وغضب) سارة ؟!

ســــارة : فيه ايه رامز . دعنى أبذل ملابسى فى استراحة (تهوول إلى
داخل الاستراحة وتغلق الباب وراءها) .

(تداهم قوة من البوليس مقر الجمعية)

الضابط : كل واحد يثبت فى مكانه .

(تقوم قوة الشرطة المرافقة للضابط بالتفتيش فى المكان)

.. ويدخل أحدهم الى الاستراحة ويعود بسارة قبل أن تكمل تغيير ملابسها)

الضابط : حرّز الكاميرا يا أمين .

رامــــز : فيه ايه يا حضرة الظابط ؟! مع حضرتك اذن بالتفتيش .
الضابط : (يطلعه على الاذن) آدى يا سيدى اذن بالتفتيش والقبض
كمان .
(تقوم بعض عناصر القوة بتكبييل رامز ورفاقه وسارة بالقيود الحديدية)
(يعود أحد أفراد القوة قابضا على سعد ومقيدا يديه وهو فى هيئة سعد الفراش)
الضابط : وايه ده كمان ؟! (يشير الى سعد)
سعد : انا سعد يا بيه .. انا فراش الجمعية .. ماليش دعوة بأى
حاجة .. ولا اعرف حاجة ابدأ ..
الضابط : (يشير اليهم بالخروج) ياللا .. ياللا قدامى .
رامــــز : فيه ايه بس يا حضرة الظابط ؟!
الضابط : ياللا يا خويا .. ياللى فاتحها لامؤاخذة . وبتصور الهانم
بتاعتك شرايط .. اخص عليك راجل .. امشى قدامى .
..

المشهد الرابع

[مكان احتجاز من هم قيد التحقيق .. تنقسم المساحة إلى قسمين بواسطة قطوع من شرائح خشبية طولية .. على الحائط لوحة تضم عددا من القيود والسلاسل الحديدية . وياقظات إرشادية من نوع " لا اسمع . لا أرى . لا أتكلم " و " المعرفة على قدر الحاجة " ... الخ]

(يضم القسم الأول رامز وأمين وانور ووائل وسعد .. يجلس كل منهم على كرسى صغير بدون ظهر ومكبلة يدها بقيد حديدي وتظهر عليهم مظاهر إعياء ... وتجلس سارة في القسم الآخر ... ويعر على حدود القسمين جيئة وذهابا أحد رجال الشرطة المسلحين) .

وائل : حد يصدقها دى يا جماعة ؟! .. احنا بتوع لامؤاخذة ! وكمان بنعبي اللامؤاخذة شرايط ونبيعها ؟! .. احنا ؟!

أمين الحقاني : ايوه يا سى وائل .. حنة خبر فى جرنال والناس كلها حاتصدق

أنسور طاهر : وايش أدراك ان الخبر ما نزلشى فى جرنال وسيرتنا بقت على كل لسان ؟!

سعد الفراش : مش عارف الواحد حايقول لمراته وولاده ايه ؟ . كنت طول عمرى بامثل عليهم انى راجل طيب وانا فى الحقيقة بتاع لامؤاخذة ؟!

رامز : يا اخوانا سيولى دماغى شوية .. عايز افكر .. اركز .. (يستطرد) شوفوا .. مافيش قضية من اصله . لان ما فيش علينا أى دليل بتاع لامؤاخذة اللي بيقولوا عليها ... والمحقق انتهى الى انها مجرد شكوى كيدية .

أمين الحقاني : طيب لما هى شكوى كيدية والموضوع متعلق بقضية أدا بجاونا للبوليس السياسى ليه وماودوناش لبوليس الآداب ؟!

رامز : هو ده اللي بافكر فيه .. عقلى بيقول ان مافيش لا شكوى ولا شاكى رemy جتته علينا غيظ وكيد فى اسم جمعيتنا ! ..

سعد الفراش : امال بس ايه اللخبطة اللي احنا فيها دى يا رامز بيه ؟

رامز : اللخبطة دى يا جماعة فعل سياسى لغرض سياسى .. فيه دسياسة على الجمعية (يرفع صوته) ايوه فيه دسياسة .. مش

- سارة : (تبكى) انا رانز .. انا اللي يهيبك وهب كل حاجة انت هيبها
!؟ .. انا دسياسة رانز !؟
- رانز : ابوه ياسارة .. يا انجليزىة يا مواطنة الامريكان .. ما الدم واحد
ونفس النزعة العنصرية .. ها ؟! ضحكوا عليكى ووعدوكى
مايضر وناش لوا ساعدتهم فى ضرب مشروعا ؟!
- سارة : انا رانز !؟ .. انا هيببك ..
- أنور طاهر : بس يا رانز بيه .. اكيد فكرك راج بعيد قوى !!
- رانز : لا يا بهوات .. واضح ان السفارة جندت سارة من بدرى ..
جمعوا معايا .. سارة قدرت تقنع السفير بزيارة الجمعية . وسارة
كانت على اتصال بالسفارة وسمعتوا سعد وهو بيقلها وردھا
عليه .. وتوقيت القبض علينا كان لازم محتاج تنسيق مع
السفارة والأمن من حد دسياسة علينا .. ولحظة مدهمة الشرطة
للجمعية كانت سارة فين ؟
- وائل : كانت فى الاستراحة بتغير هدومها .
- رانز : تمام .. عشان توفر سبب واضح لموضوع الشكوى الأونطة بتاعة
اللامواخدة ..
- أمين الحقانى : ياااه . ازاي ما خدناش بالنا من داه كله ؟!
- سارة : (بتوسل) لا . لا . مش ممكن سارة حبيب رانز اعمل كده ..
صدقونى . سارة مش خاين .. سارة مش يقل عنكم امل فى انقاذ
عالم ..
- أنور طاهر : (يضحك سخريه) انقاذ عالم ايه بقى ؟! .. مالشروع انضرب
من أساسه .
- أمين الحقانى : قضيتنا حظها وحش قوى يا جماعة .
- وائل : وفين وفين على ما ييجى ناس غيرنا ويلاقوا فكرة تفك الطلسم .
ويا عالم !!
- رانز : حايبكون رئيس امريكا نفسه يهودى من شهر يهودى .. ويمكن
يحكم امريكا والعالم من مكتب بلون الدم فى قلب القدس .
- وائل : (سخريه) آه .. ويبقى المكتب الحمراءوى بدل المكتب البيضاوى !!
- سعد الفراش : (يانزعاج) الله ؟! .. والعرب فين ؟ .. حيكونوا فين ويعملوا
ايه ؟!
- أمين الحقانى : العرب ساعتها حيكونوا سطور وصفحات فى كتب فضيلة وأدب

وتاريخ ما حدث بيقراها ، وبرضه اليهود وراها بيمزقوها
ويحرقوها بخوف مرضى فيهم .. للسطور تنبعث فيها الروح
وتتجسد ناس بجد . عرب بجد . أصحاب عقل وبدن ونفسية ..
وضمير حى مع الله .

سعد : يعنى احنا اللي كنا عايزين ننقذ امريكا . بقينا احنا اللي
عايزين انقاذ !!

أنور طاهر : صدقت يا عم سعد .. بقينا عايزين انقاذ .. حد ينقذنا من
الورطة اللي احنا فيها . بعد ما كنا بنحلم ونتمنى لأمتنا والعالم
كله بقينا كل واحد بيحلم لنفسه ويس .. بيحلم ويتمنى انه
يرجع لحياته الطبيعية . زيه زى اى واحد مش شايف اكثر من
تحت رجله .. بيجرى ورا رغيف عيش . ومغيب دماغه فى
كورة عمرها حتى ما نصفتنا ومسلسل اهطل يدخله متحف
التاريخ ساعة إلا ربع كل يوم . وكام فيلم بيحكوا قصص حياة
الراقصات والعوالم . (يتنهّد) آه ..

رامز : يا خسارة .. يا ألف مليون خسارة !!

سارة : لا رامز هببى .. مش بياأسى ابدأ .. بكره احسن كثير .. هملك
هايتحقق .. هلمنا كلنا هايحقق بجد .. صدقنى رامز .. انا
عارف كل حاجة .

(يسمع صوت من الخارج يصيح " انتباه " ووقع أقدام غليظة . ينتبه الجميع إلى
هذه الأصوات ويتملكهم الفضول والترقب)

(يدخل رجل مهاب فى بدلة مدنية بما يوحي انه يشغل درجة كبيرة فى الأمن
السياسى .. بمجرد ان يدخل يقوم رجل الشرطة الحارس بتقديم التحية العسكرية
له .. فى حين يلزم رجلان آخران فى الملابس العسكرية جانبي المدخل)

مهـاب : (بجد مصطنع) ها يا استاذ رامز .. نسه مصمم على الانكار ..
مش ناوى تعترف بالحقيقة ؟

رامز : حقيقة ايه يا باشا ؟

مهـاب : حقيقة اللامؤاخذه والشرائط اللي غرقت السوق .

رامز : أظن سعادتك فى منصب يدك الحق تقرى تفاصيل التحقيق
اللى تم معانا .. اكيد قريته . وعرفت ان المحقق انتهى إلى أن
الموضوع مجرد شكوى كيدية .

مهـاب : صح .. دا عن التحقيق .. لسين والجيم . لكن . قبل فحص
المضبوطات فحص دقيق .

رامز : مضبوطات ؟!

مهاب : أيوه المضبوطات .. لامؤاخذة . ملابس الهانم الخارجية

والداخلية .. والشريط اللي كان في الكاميرا.

رامز : شريط ؟! فيه ايه الشريط ؟!

مهاب : (يشخط) مش عارف يا رامز الشريط فيه ايه ؟.

رامز : اللي انا متأكد منه انه ما فيهموش اللامؤاخذة اللي بتقولوا عليها

وتتهمونا بيها .. معقولة ؟! . أنا . رامز ابن الحسب والنسب

. حاسخ مراتي في شرايط لامؤاخذة .. وليه ؟! .. فلوس ؟ .

وعندنا فلوس أبا عن جد .. يبقى ليه .. ايه الدافع ؟! لا يا

باشا .. انت شفت الشريط بنفسك ؟!

مهاب : إلا شفته .. (ينظر ناحية سارة) شفته واستمتعت بيه بيجي

عشرين مرة .

رامز : (بعصبية وريبة) لا . مش ممكن .. بالشريط اللي بتتكلم عنه

مدسوس علينا .. يا إما أنا مش عارف مراتي كويس .. مش

ممكن .. مش ممكن .. أكيد مش احنا !!

مهاب : طبعا مش انتو ..

رامز : (بدهشة) قلت ايه يا باشا ؟!

مهاب : قلت طبعا مش انتو .. مش انتو اللي في الشريط المدسوس

عليكم بتاع اللامؤاخذة .

رامز : يااه .. دلوقتي بقي يا باشا انا مستعد لأي تهمة ثانية .

مهاب : جرى ايه يا رامز بيه ؟! .. مش تمسك أعصابك شوية ..

راجل بيفكر ويخطط بطريقتك . لازم يكون عنده أعصاب

تستحمل فكره .

رامز : اعذرني يا باشا .. اصل التهمة بايخة قوي .

أمين الحقاني : نفهم من كده يا باشا ان احنا براءة من اى تهمة ؟

مهاب : ايوه يا استاذ حقاني .. انتو فعلا براءة عندنا .. لكن . بيهمنا

تفضلوا في نظر جهات خارجية متورطين في قضية اللامؤاخذة

أنور طاهر : جهات خارجية ؟! . وايه الحكمة بقي ؟ .. مش فاهمين .

مهاب : شوفوا .. من يوم ما بدأتوا نشاط الجمعية وانتو تحت نظرنا ..

انتو عارفين اننا وافقنا على إشهار الجمعية تحت ضغط أدبي

مارسه علينا الاستاذ رامز وزوجته السيدة سارة . أبرز ما فيه

اسم الجمعية " انقاذ امريكا " و اقناع السفير الأمريكي بزيارتها

رامز : كان الهدف اكبر من اني اعرضه لرفضكم أو كشفه .

مهــــــــاب : من حقل . . احنا بتلعب سياسة .. المهم . لاحظنا انكم
مستهدفين من اكثر من جهاز مخابرات اجنبية .. لاحظنا كمان
انهم عقدوا آمالهم على السيدة سارة الانجليزية الجنسية عشان
تكون مصدرهم عليكم . فسبقناهم ليها .. ويجهد الست العظيمة
دى معانا . قدرنا نتوهم وتبعد عنكم شرور كثيرة .. لكن
السياسة زى الشيطان .. مرة تغلبه ومرة يغلبك .. عضو من
جمعيتكم .. تافه .. كان حايوظ كل شغلنا ويكشفكم عندهم ..
نقل لهم احباطكم من زيارتكم لأمريكا . وانكم بتفكروا فى
اسلوب جديد . وان الاسلوب ده فى الغالب حا يكون تأمرى ..
لقفناه . وبعدناه عن الساحة تماما ..

رامــــــــز : فهمت .. وده اللي اضركم توجهوا ضربة امنية للجمعية عشان
تصرفوا نظرم عن مشروعاتنا تماما .. ضربة من نوعية
اللامؤاخذه ..

مهــــــــاب : ما كانشى فيه حل تانى .
أنور طاهر : نفهم من كده يا باشا انكم راضيين عن مشروعاتنا ؟
مهــــــــاب : ما اقدرشى اجاوبك لا بآه ولا بلاه .
واثــــــــل : لكن انتو كنتوا حريصين على ان المشروع يستمر . وأمنتوه ..
سعادتك لسه قايل المعنى ده .

مهــــــــاب : مش بس كده .. دا احنا اللي سهلنا للاستاذ رامن عملية الاتفاق
مع عميل الدولة الصديقة . وهو اصلا عميل مزدوج . عشان
يوصل الشريط لإسرائيل .

رامــــــــز : تبقوا موافقين !
مهــــــــاب : مش شرط .. إنما تقدر تقول إننا مش ضد أى عمل أهلى لا
يصنف على انه عمل ارهابى . بمنطق ان القضية العربية مش
قضية الحكم لوحده .. ايوه . الشعب صاحب القضية ومن حقه
يفكر ويحاول من غير ما يتسبب فى حرج للحكم أو أذى لدولة
صديقة .

أمين حقانى : مشروعاتنا تابع من اشخاص بعيدين عن الحكم .. ويستهدف
خير أمريكا بشكل سلمى بعيد عن أى عنف

مهــــــــاب : المهم التنفيذ .
رامــــــــز : يعنى حاتسيبونا ننفذ ؟
مهــــــــاب : (وهو ينسحب من المكان) تنفذوا ايه ؟!

أمين الحقانى : مشروعنا .
مهاب : مشروع ايه ؟ .. احنا ما عندناش فكرة عن حاجة !
أنور طاهر : ايوه . ايوه .. طيب لو نجحنا ؟
مهاب : تبقوا نجحتوا .
رامز : ولو فشلنا ؟
مهاب : أديكوا مقبوض عليكم فى قضية لامواخذة (عند المدخل يضع يده
بحنو على كتف أحد حراس المدخل) هاتوا لهم أكل كويس
وريحوهم .
(يدخل حارس المدخل ويدعو الجميع للانتقال الى الاستراحة
" ياللا يا بهوات عالاستراحة " ..
فيعدو رامز نحو سارة ويعانقها ويصحبها متقدما الاخرين نحو الاستراحة يخرجون)

..

المشهد الخامس

[مقر جمعية " إنقاذ امريكا " من الداخل .. نفس ديكورات المشهد الأول مع تغيير فى اللوحات المعلقة على الجدران .. ففى وسط جدار مؤخرة المسرح صورة للرئيس الأمريكى بوش فى إطار دائرى يحيط بها أعلام دول كثيرة .. وعلى بعد منها يمينا ويسارا لافتات تحمل شعارات " نحيك امريكا " ، امريكا العدل ، امريكا الحرية .. الخ]

سعد الفراش : (يحاول العمل على جهاز الكمبيوتر) يادى مخك يا سعد ! . مافيش فايده فيك . بيتنهلى اناالوحيد اللي فاضل فى العالم مش عارف يتعامل مع الجهاز ده !! . العيال فى البيت زى القروود . وكل الصحاب . حتى عثمان البواب بقى بيعرف يشغله !! .. وآل ايه انا كنت اول المتحمسين للفكرة . ضحيت بالميت جنيه واشتريت الجهاز . قلت العيال يتعلموا ويعلمونى .. المفروض مابقاش الجاهل الوحيد ..و.

صوت سارة : هوش .. يا هوش ..

سعد الفراش : (ينهض من على الكرسي امام الكمبيوتر ويتجه نحو المدخل) هى بتقول هوش واللا بوش ؟! (يصيح) قول عمى بوش يا هانم .

صوت سارة : (تضحك عاليا) خلاص بقى هوش .. انت عملتى اللى عليكى زيادة اتنين شوية ؟

(تدخل سارة وهى تمسك طرف سلسلة انيقة تسحب بها نمر)

" رجل يرتدى فراء نمر "

سعد الفراش : (يفاجأ سعد بالنمر الذى تصحبه سارة فينتهقر خائفا) ايه ده يا هانم ؟! .. نمر وولف ؟!

سارة : وولف ايه هوش .. دى نمر نمر .. نمر بجد (تقترب منه)

سعد الفراش : (يظل يتراجع خائفا) مش ممكن يا هانم . ارجوكى خليه بعيد عنى وحياة ابوكى .

سارة : انت خايفة من ايه هوش ؟! . مش تخافى من بسبس

سعد الفراش : وكمان بسبس .. يا هانم ده اسم مش على مسمى ابدا !

سارة : (تضحك) ايه اسم مسمى دى هوش ؟! .

سعد الفراش : مش عارف . مش عارف . ارجوكى انا خايف .

ســـــارة : (تسحب النمر بعيدا) طيب هوش . اطمنى . انا آخذ بسبس بعيد أهو . بس انت مش ليكى حق تخافى خالص !

سعد الفراش : ليه هو بسبس وارد سيرك واللا ايه .. وحتى لو كان وارد سيرك . مالوش امان .

ســـــارة : بصى هوش . بصى (تأمر النمر بفتح فمه) افتحى بقلك بسبس (فيفتح النمر فمه على آخره وتضع سارة يدها فيه) شوفتى هوش .. شوفتى بسبس طيب خالص ازاي .

سعد الفراش : (بخوف شديد على سارة) طلعى ايدك يا هانم .. طلعيها لايستيكى وياكلها !!!

ســـــارة : ايه هوش ؟! .. انتى بقيتى مش عايش دنيا خالص .. مش اعرف حاجة عن تغيير حصل فى الدنيا .. انا لازم اقول لمستر رامز يديكى أجازة من شغل عشان انت تلاقى وقت كفاية تمشى وتشوفى دنيا جديدة . تسمعى اخبار وارصدى تحولات كتير حصل .

سعد الفراش : وبسبس ده بقى ان شاء الله من الدنيا الجديدة اياها ؟!

ســـــارة : بتقولى فيها هوش .. فى دنيا جديد بتاعنا . كل حيوان كان مفترس صار حيوان أليف .. اليف مع كل حيوانات أخرى ومع انسان .

سعد الفراش : النمر والاسد . وكل الحيوانات بقت البيقة ؟! . يعنى ما تغضبشى . ما تعضنشى .. ما تاكلنشى على بعضى كده ؟!

ســـــارة : اطلاقا هوش . بصى (تحاول أن تغاضب النمر فتصفعه على وجهه وتعنفه) انت وحش بسبس . قليل أدب . ياللا اغضبى . عضينى لو شاطر انت .. ياللا عضى (النمر يطأطئ رأسه ولا يتفاعل .. فتحضن سارة رأسه) لا.لا.لا . انا كنت اضحك معاكى .. انت طيبة .. انت حبيبي .

(يظهر رامز فى المدخل .. يقف متابعا ما يحدث)

سعد الفراش : طيبة معاكى انت بس يا هانم .

ســـــارة : لا هوش . طيبة مع كل الناس . انتى مش فاهم حاجة .

(يدخل رامز .. يداعب بسبس)

رامـــــز : (بلهجة آمة) سعد .. تعالى هنا يا سعد .

سعد الفراش : (يقترب بحذر) أؤمر يا رامز بيه .

رامـــــز : انت بتثق فىا واللا لاه ؟

سعد الفراش : إلا يثق فيك يا بيه .. دا انت عندى بالدنيا كلها .
 رامز : يبقى لما أقول لك حظ ايدك فى بق بسيس تحطها على طول ..
 ياللا . حظ ايدك فى بقه .
 سعد الفراش : (يقترب من بسيس) وبعدين يا رامز بيه ؟!
 رامز : ياللا . ما تخافشى . ثق فى كلامى .
 سعد الفراش : (يتكور خائفا وهو يضع يده فى بق بسيس . يأمن فيقف مطمئنا لبقاء يده فى بق بسيس) لكن ازاي يا بيه ؟!
 رامز : دى ثمرة من ثمار جهودك معنا (ساخرا) يا عمى بوش ..
 ومن هنا ورايح ماتهابشى اى حيوان .
 سعد الفراش : اشمعنى ؟! ازاي ؟!
 رامز : بعد حوادث كتيرة فى حدائق الحيوان والغابات المفتوحة عكف بعض العلماء على دراسة المسألة . فخرجوا بنتيجة بتقول انه بخروج اليهود من امريكا الى الشتات وفقدانهم اى قدرة على التأثير فى شئون العالم .. كل الحيوانات المفترسة صارت اليقة جدا .
 سعد : عقبال الانسان.
 رامز : الله ؟! والانسان كمان يا سعد . ما بقاش غير شوية مكر يهودى من غير حيلة بعد ما العالم كله خد باله منيهم كويس .
 سعد : يعنى الانسان كمان بقى طيب . مسالم ؟!
 رامز : الى حد كبير .. شوف كل الدول اللي كانت نازلة طحن فى بعضها بقت عايشة فى سلام ازاي .. ويمكن تتأكد على المستوى الشخصى .. افكر كده اى حد كنت مختلف معاه.
 سعد الفراش : يالااه .. اما انا . صحيح .. من كام يوم جالى ابن عى .. قاللى لفيت الدنيا أدور عليك لحد ما لقيتك .. تصدق يا رامز بيه .
 اعتذر لى . طلب منى ارجع النزلة عشان يرجع لى كل حقوقى .. قلت فى بالى الراجل ده يا اتجنن يا بيدبر لى مكيدة !! ..
 ياسلام ..
 رامز : يعنى خلاص . وصلت الفكرة يا عم سعد .
 سعد الفراش : وصلت يا بيه .. يا سلام .. يا حلاوة الدنيا .
 سارة : طيب هوش .. ياللا بقى عشان تروح تشوفى لوازم عزومة وفد كونجرس امريكى (تخرج ورقة من جيبها او حقيبتها) خدى .
 دى لسة اصناف كتبها طباخ . ومش انسى . عندنا عشرة ضيف

سعد الفراش : حاضر يا هانم . (يتناول الورقة .. يتجه خارجا) .
 سارة : هوش .. استنى .. خدى بسيس فسحبيها معاكى .
 سعد الفراش : (يقبل على بسيس بسعادة ويمسك طرف القيد) ياللا يا بسيس
 يا حبيبى نتفسح سوا .. (يخرج والنمر) .
 (يدخل أمين الحقانى وانور طاهر .. يلتقيهم رامز وسارة بحفاوة)
 رامز : الحمد لله عالسلامة يا رجالة .. تعالوا .. تعالوا .. (يدعوهم
 للجلوس) .. ها يا استاذ أمين .. ايه اخبار رحلتك لفلسطين ؟
 أمين الحقانى : حاقول لكم حالا أخبار رحلتى لفلسطين (يضع يده فى جيب
 سترته الداخلية وهو ينهض واقفا . يخرج مسدسا ويشهره فى
 وجوههم) بس بعد ما كل واحد يرفع ايده لفوق . ويتشاهد على
 روجه .
 (ينهض الجميع رافعين ايديهم لأعلى ودهشة متعاطفة تسيطر عليهم)
 رامز : ايه ده يا استاذ أمين؟! . معقولة؟! .. سلاح؟! .
 سارة : مش يصدق؟! فيه حد فى عالم لسه احمل سلاح؟!
 انور طاهر : ومين؟! .. الاستاذ أمين؟!
 سارة : اكيد تغيير حصل فى الدنيا لم يصلك مستر أمين ! !
 أمين الحقانى : (يضحك .. يخفض السلاح) بس بس يا جماعة . خلاص .
 انا كنت باضحك معاكم .
 (يهجم عليه الجميع تتقدمهم سارة ويضربونه بأيديهم بود على اكتافه وظهره)
 رامز : بتضحك؟!
 انور طاهر : سببت اعصابنا ولخبطت دماغنا يا اخى !
 سارة : انت لازم اضحكى فى مستشفى مجانيين .
 أمين الحقانى : (بود) طيب .. خلاص .. اعدوا بقى (وهو يدخل السلاح
 فى جيب سترته الداخلى) عشان تبقوا عارفين .. السلاح ده
 هدية من الرئيس ياسر عرفات . سلاحه الشخصى . ذكرى منه
 رامز : عظيم .. ها ؟ .. كلمنا بقى عن الاحوال هناك .
 أمين الحقانى : الاحوال فوق المتأزاة .. من لحظة ما المجتمع الدولى الزم
 اسرائيل بحدود قرار الامم المتحدة بتقسيم فلسطين فى سنة ٤٧
 والاوزاع بتتقدم بخطوات واسعة على ارض فلسطين .. سلام
 .. ونماء . وروح تسامح عظيمة ..
 انور طاهر : طيب . وعلى الجانب الآخر .. فى اسرائيل ؟
 أمين الحقانى : (يضحك) حدث ولا حرج .. حرب طائفية رهيبة ..

الاسرائيليين بيقتلوا فى بعض .. وقوات الأمم المتحدة لحفظ
السلام شغالة تصادر الاسلحة اللي بين ايديهم .. والهجرة
لخارج اسرائيل شغالة على ودنه لما البلد قربت تفنى !! .
يعنى هى كانت بلدهم .. ياللا خللى كل واحد يرجع لحارة
اليهود اللي جه منها .

رامــــــــــــز :

انور طاهر :
ودى مش غريبة عليهم .. عمرهم ما يعرفوا يعيشوا فى حالة
سلام .. يشتغلوا على بعض على طول .. السبعين سنة اللي
عاشوهم ضيوف على الفلسطينيين من بعد داود وسليمان قعدوا
يقتلوا فى بعض وخرجوا من فلسطين هربا من نفسهم .. وما
كانشى حد منهم بيرجع لأرض فلسطين إلا مرشد لقوة عظمى
غازية لفلسطين .. كانت القوى الغازية دى بعد ما تستفيد من
خدماتهم يا تقتلهم لسلوكياتهم الخبيثة يا تطردهم بره فلسطين.
ياااااا .. كل ده كوم ومشهد خطير كنت اتمنى كل انسان
يشوفه ..

أمين الحقانى :

الجميع :
(بلهفة) ايه ؟!
شارون ... ياااه .. مشهد فظيع .. تخيلوا شارون متعلق من
رجليه فى الميدان اللي فيه مكتب رئيس الوزراء .. دماغه مدللة
ناحية الأرض فى متناول ايد اى حد ماشى .. ميت طبعاً ..
الرصاص مخرم جسمه زى المنخل .. ومع ذلك كل اللي معدى
نسوان ورجالة اسرائيليين اللي يضربه بعصاية واللى تقلع
نعلها وهات على دماغه ..

أمين الحقانى :

رامــــــــــــز :
يااه .. نفس اللي حصل مع موسوليتى !! .
دى نهاية بتاع كل فاشيست .
المهم : انا سمعت فى الخارجية الفلسطينية أخبار عن ان الأمم
المتحدة بتدرس مشروع قرار بإلقاء قرار تقسيم فلسطين اللي صدر
سنة ٤٧ باعتباره قرار ظالم وقام على روح تأمرية مدعومة
بنفوذ قوى عظمى وقتها .. والمتوقع ان المشروع يلاقى موافقة
الجميع عليه خصوصا والاسرائيليين بيهاجروا من الأرض
بارادتهم ولو تركت على حالها حا تتحول لمدن اشباح .
انور طاهر : تمام .. دى حقيقة .. فى زيارتى لأمريكا . وفى مقر الأمم
المتحدة بعض الاصدقاء اتكلموا فى الموضوع ده . متحمسين جدا
للمشروع .

رامــــــــــــز :

ســــــــــــارة :

أمين الحقانى :

انور طاهر :

علي (اكتشاف) ايوه ايوه ايوه .. بس .. فيه حاجة غريبة

حصلت معايا.. وانا باشتري الجمبرى . واللحمة .. كل حاجة
 البياح من دول كان يقوللى " انت عازم مصر كلها واللا ايه
 "واللى يقوللى "انت بتشتري زاد سنة جاية ؟!"..
 انور طاهر : انت بكتيره يا عم سعد مادام العزومة لعشر افراد كنت تشتري
 خمستاشر جمبريائة وخمستاشر حطة لحمة و.
 أمين الحقانى : انت ناسى ان البركة عمت الدنيا لما زال نفوذ اليهود ؟!
 رامز : يعنى الانسان يشبع من جمبريائة . تمراية . لقمة مغمسة اى
 حاجة .. بركة . بركة .
 سعد الفراش : يااه .. وانا اللي كنت فاكر نفسى عيان .. آكل لقمة من هنا
 ونفسى تزهد الأكل .. قلت انا اكيد عيان .. بس خفت اقول
 لحد ليكون مرض خطير !! .. يادى البركة يا ناس !!
 (يدخل وائل وفى يده حقيبة سفر صغيرة)
 وائل : مساء الخير يا جماعة .
 (يرحب به الجميع)

سعد الفراش : اهلا يا استاذ وائل .
 وائل : (يهجم على سعد بنوع من المرح) لادن . لادن . مسلم . اربابى
 . طائرات . متفجرات . جمره خبيثة .. هاهاه ..
 سعد الفراش : هاهاه .. ما خلاص يا وائل بيه .. ايام غيرة وعدت .. كل
 حاجة بقت فى مكانها الصحيح .
 رامز : آيه يا وائل .. جاهز خلاص للسفر .
 وائل : جاهز يا رامز بيه .
 انور طاهر : ايوه يا سيدى .. حاتبقى زميل للدكتور فاروق الباز فى وكالة
 ناسا .
 أمين الحقانى : اذا كان كده .. يبقى نتكل على الله عشان نوصلك .. الوقت
 ازف .
 رامز : اعذرني انا وسارة يا وائل .. مرتبطين بمواعيد .
 وائل : انا مقدر ظروفكم يا رامز بيه . اشوفكم على خير ان شاء الله
 (يخرج الجميع لوداع وائل عدا سعد الذى يتجه ناحية المطبخ .
 ورامز الذى يدخل الاستراحة ..)
 (إظلام)
 صوت سارة : (من الخارج) مع السلامة وائل .. مع السلامة . (بعد فترة
 وجيزة تنادى) هوش .. هوش .

(في لحظات الإطلام يتم رفع اللفاتات عن الحوائط بما فيها صورة بوش .. وتعلق بإفطة واحدة مكتوب عليها " شركة رامن للانتاج الفني ")
سعد الفرائش : (يضحك ساخرا) هوش ؟! .. برضه هوش ؟! .. سعد ابو حوش
يبقى هوش على آخر الزمن ؟! .. أما صحيح خواجاية ..!
(تدخل سارة)

هوش .. هوش .	ســــارة :
نعم يا ست سارة .. انا أهو في الخدمة .	سعد الفراش :
(تنظر ناحية مكتب رامز) فين مستر رامز ؟!	ســــارة :
مستر رامز مكوع في الاستراحة يا هانم .	سعد الفراش :
مكوع ؟! .. ايه مكوع دى ؟! . قولى حاجة احسن هوش .	ســــارة :
نايم .. نايم شوية .	سعد الفراش :
(تهوول داخللة الاستراحة)	
اصحى رامز حبيبى .. انا جيت اहे .	صوت سارة :
حمد الله عالسلامة يا حبيبتى .	صوت رامز :

(يخرج الاثنان من الاستراحة)

رامـــــــــــــــوز : ياااه يا سارة ! اما انا فى الغفوة دى شغت حته دين حلم !

ســـــــــــــارة : حلم ؟! .. شفتنى حلم ؟!

رامـــــــــــــــوز : حلم ممكن يبقى فيلم !

ســـــــــــــارة : كمان بتحلمى افلام ؟!

رامـــــــــــــــوز : فيلم يا سارة . ممكن يبقى اعظم ما انتجته السينما العربية .

ســـــــــــــارة : فيلم ممكن يغير العالم !

رامـــــــــــــــوز : واسمه ايه فيلم دى رامن ؟!

رامـــــــــــــــوز : اسمه .. اسمه .. اسمه " ياالا ننقذ امريكا " .

"انتهت"

صدر للمؤلف كتب :

دار ثابت للنشر	مجموعة قصصية	.. بائع الاحلام
دار النشر هاتيه	مجموعة قصصية	.. آخر يوم في حياة مواطن
دار الروضة	مجموعة قصصية	.. حكايات ستات
دار المشرق العربى	مجموعة قصصية	.. اعترافات نسائية
دار المشرق العربى	دراسة انسانية	.. اغرب طرق زواج
دار النشر هاتيه	دراسة انسانية	.. الاختيار الجنسى
		والخلقى للزواج
دار الكتاب العربى	دراسة انسانية	.. عباقرة ولكن ..
دار الكتاب العربى	اسلاميات	.. الحرب على الشيطان
دار الروضة	اسلاميات	.. العلاج الربانى لمرض
		العصر النفسانى

مسرح وتليفزيون:

- ** مسرحية " انتو فين يا عرب " .. المسرح الحديث .. (مسرح السلام بشارع قصر العينى) .**
- ** مسرحية " احلام للبيع " .. المسرح الحديث ..**
- ** مسرحية " مسمار جحا " قيد التنفيذ .**
- ** مسرحية " حكاية السبع مظلوم " قيد التنفيذ .**
- ** مسرحية " ياللا ننقذ امريكا " (امريكا .. العالم والمجهول) قيد التنفيذ .**
- ** سلسلة مسرحيات " مسرح المخترعات " للأطفال - سفير للإنتاج الفنى . اخراج د. محمد ابو الخير . بطولة وجدى العربى ، فاروق نجيب ، سمير حسنى ، فاروق فلوكس ..**
- ** السهرة الدرامية " تعيش زفتى حرة " .. بطولة الفنان رشوان توفيق ، وجدى العربى ، محمد جبريل .. اخراج محمد عابدين .**
- ** ** ***

